



棗林雜俎 和集

幽冥

羅者洞

文昌

靈濟昭烈王廟

碧霞元君

聖女祠

玄武神

漢壽亭侯

雷廟

白眉神

李衛公廟

諸葛武侯廟

岳武穆廟

晏公廟

蕭公廟

宋相公廟

利濟侯

東華洞仙

宮亭神

神樹

雪竈紀神碑

貞婦著靈

劉兆元

曾銑

楊繼盛

王秋英

土地陰譴

屍蹶

周如砥

蕭觀察

陳夢璇

延安地飲

王立毅

楊鐸

沈壻鳥鳴

輪迴所

葦舟

朱大紱

姜東冥判

沈招遠

張耀采

神燈

邳城神誑

徐銘

豐縣逃鬼

蔣國華

顧鏞

朱之琦

郭基

張生

歌鬼

說鬼錄

城隍神

松潘尺骸

妖異

藏經志怪

魯汶

金龍邵氏

述鄭公校錄本

龍女

毛女

潼關老人

舟葉

龍眼怪

琵琶亭怪

閔揚

妖履

戇榆妖

丘志充

魯府童子

素娥

魚妖

徐氏妖

浮提國

宋氏烏菓

豕言

瘞狹復甦

鷄子中魚

鵲啣兒馬

天書

象山妖異

陽武泣聲

叢贅

沐英

徐達

李文忠

贊身出家

翰林官

良鄉帶

御槍

多學

從征日記

僧道不衣綾羅

鎮海衛指揮

張泌

狀元母

御史乘騾

經筵

審錄

聲鐘

學魁

蒲壽庚子孫

綠續

葉好文留犢

徐呆廝

勅主簿

喪麻

畚客

學錄直講

黃麟題聯

六鰲縣悞

胭脂匠

南京不打五更

外道留勅

崖山紀功石刻

偽夏陸宮

庫碣

安南試錄

展書官

北狩

王越

董朴

述鄭公校錄本

楊守陳金坡稿

陸氏占產

端宏名宦

應聲病

先輩書刺

武宗微行

朱氏書問

新城王氏

字說

易刻

張孟賢

祠廣文

十老會

女節

犒市

總督骸統

雲南三天子

香稅

北新關稅

朝議

行人司藏書

薩琦爰俗

觀場儒士

古醋

酒

杜進

陳紫峰論學

陳祠朴像

考考稱師

相國父不祠鄉賢

方太古

胡僖神助

詹傑

李宗道

藏金變石

三通鄖陽

王恩民棄妖書

盛瑞明同鄰

曾氏譜

慶成王百子誤

張太宰遜弟

故官優免

嚴世蕃養子

總兵桂知縣

駱文盛

張承烈

張二郎辭官賞

金傑棄官

張承

孫思聰

東洋行縣

朝鮮慕王元美汪伯玉

十友

田千秋葬像

海鹽烟火

汀人善舟

販海

王希周自刎

吳承恩報仇

汪在前

丁賓

錢若賡

梁國瑞

丘樞遣嫠婦

高儀尊師

述鄭公校錄本

陸樹聲

汪陵栗簿

劉臺

湯頭祖

申其學

王國光

姚弘謨迎事生母

元輔家幹

海瑞

周天球

邵虎菴

續吳都文粹

吳稼澄

嚴訥

楊春元

王述古笏記

陸平泉論風俗

柳州象裔

耿楚侗馮慕岡講學

林兆恩

祝世祿

朱中丞誤奏反詩

馮少壩會約

梅湘衡論友

朱氏世祠主司

趙御史論囚

郭達

蕭如薰杜文煥

盜俠

王元美先生

曇陽子

無賴妄奏

有司重聽

雙乳

徐大相論楚緩

許會元稿

梅花詩百首

趙文懿墓銘

張九德

虎入城

偶然咏

冥衣

榜豐縣

攜李詩人

早稱

許令典

陳心得

臂紋

印綬放花

趙南星

魏廣微

陳長祚

汪文言

括銅

黃遵素

銀錢分定

倭佛殊報

名刺

通家子記

書法

茅筆

產異

朱國盛朱積遜誦

沈灌

熊廷弼

朱國祚

述鄭公校錄本

毛文龍

董應舉屯田

顧秉謙

樊良樞

箕仙

魏忠賢

黃汝享

余煌

天鑒錄

郭之琮

孫承宗

閣揭

先帝儉德

周圭

田弘遇

陸完學

周道登

綸命

張鼎

起居注

錢謙益

何吾騶

程國祥

虞山後輩

李長庚

傅冠

楊嗣昌

戎倫

作文法

心竅

周延儒再呂

孫傳庭

曹文衡

阮正中陰德

白楹園石

科第陰德

吳培昌

熊開元

董象恒

兵疫

蝗虫秀才

佛災

弔沈何山詩

武塘詩

孝陵碑石

劉宗周不捐俸

市廛

借屍脫囚

南內盜

收生婦

清豐義士

范允臨書屏

梁州杰

陳美發

陸員外贈妾

王介人選妾

江南邊聲

三區方略

馬王

陸澄源刺黨

薦賄

娶娼

巡臺私從

鄭芝龍

誦經滅蝗

追封母后菩薩

述鄭公校錄本

癸未選館

錢弊

降級

訓儲

閱武

李陵樹

後湖

陳際泰

凌駟

王漢

丹銀

金箱

時敏

吳之俊五議

顧錫疇

趙庚

獨足鳥

朱積離魂

修志

傭養

逸詩

誕日疏

嘲錢牧齋

人瑞

私謚

夢卜

硃墨預兆

排調

前定

同庚

述鄭公校錄本

棗林雜俎

和集

益官談遷孺木著

幽冥

東岳

博物志東岳主召人魂魄其始不過謂東岳屬木為魂蓋以五行象類言之耳非有他也昧者不之察遂謂人死魂魄皆歸東岳岳神將治其生時善惡而罪福之

文昌

俗言南斗注生北斗注死故以北斗為司命而文昌者斗魁戴匡六星之一也俗以魁故祠文昌以祈科第因其近斗也故亦稱文昌司命云傳會甚矣至以蜀梓潼神為文昌化身又可笑

也 五雜俎

梓潼神清河張戶老之子名亞字儒美周後七十三代世為大夫未嘗虐民酷吏西晉末丁未歲三月三日生載化書廟在劍州梓潼縣

梓潼縣有善卷祠一曰惡子民歲上雷杼十枚歲盡不復見云雷公取去

三官

三官之名古不經見始見於張魯傳中魯以三官教行于蜀之鶴鳴山凡人有所祈禳則書其事狀為三一焚于山上謂達于天官一瘞于山下謂達于地官一沉于水中謂達于水官其祝日以正月之望為上元節祝天官七月之望為中元節祝地官

述鄭益校錄本

十月之朔為下元節祝水官後安人撰為三官經謂陸氏子娶龍女生三子俱有神通一天官一地官一水官

羅者洞

枝江縣西南羅者洞即春秋羅子再遷之地居民罔知託以神怪楚紀

靈濟昭烈王廟

廣德州城西橫山有祠山廟神吳興張渤也一云武陵龍陽人生西漢末游苦雪之間自長興之荆溪鑿河至廣德功半遁于橫山人祝之夫人李氏廟在州東二里曰昭妃廟

象山縣志唐末忽有一石香爐立而附于人曰吾姓莊名穆祠山昭烈大帝也當廟食此山以福斯民衆驚訝教諭梁宗明率

衆立廟祀之今日莊穆廟噫一祠山昭烈也姓名互異如此

崇善王陳頊

錢塘阜亭山下為半山祠崇善王會稽陳頊晉時使卜斷臂不屈壯而歸之歷仕四州食邑會稽葬阜亭山有女弟避寇山洞不欲乞食絕粒死屢有靈顯或曰碧霞元君碑云弘治時遣使祭之 穆宗禱祠此山

支明夫人

天台山東壁嶺車支明夫人廟周顯德二年建神本婦人曩嘗見怪配以支明龍王遂釋

瘧使司

瘧鬼姓彭兄弟三人游于廣漠之野古帝王裔也凡運劣者遇

述鄭益校錄本

之輒病病時直呼其名即止今大原郭守詢呼之有驗作瘧使司記

輪迴所

天啓乙丑沁水故縣鎮蕭味道疫死再日甦云冥司誤攝司日輪迴所其嫂變黃牛其脇白償何騰蛟殺八斗尋嫂沒何氏產犢數月斃售皮得穀八斗

碧霞元君

漢明帝時西王孫寧國奉符縣善士石某妻金氏於中化元年甲子四月十八日子時生名玉葉貌端而性穎三歲解人倫七歲開法禮西王母十四歲感母教入山得曹仙長指入天空山黃花洞修道焉天空蓋泰山洞即石屋處也三年丹就元精發

而光顯遂依于本山云

李諤瑤池記黃帝建岱嶽觀嘗遣女七人雲冠衣羽修奉香火以迎西崑崙繇是考之則玉女必黃帝遣七女中之修而得仙者後世因之祠于山

高誨玉女改

嶽頂玉女他側故有玉女神像泉源壅濁宋真宗東封泉忽涌澈故祀之

馬端臨通攷

又稗史漢時仁聖帝前有石琢金童玉女至五代殿圯石像仆至唐童泐盡女淪于地至宋真宗封泰山還次御帳滌于池內一石人浮出水面出而滌之玉女也命有司祠之封天仙玉女碧霞元君後祠日加廣

聖女祠

林縣東南三十里下洹村聖女祠相傳高歡之女母嘗養病于

述鄭益校錄本

此母亡其女三人願殉其墓天彰其德以為洹水神每災害禱之輒應

玄武神

黃帝之子昌意娶蜀山氏女生高陽氏陶七河之津是為玄帝也役御百神召至雷電乘結元之車周旋八外鑄羽山銅為寶鼎以獻于神峰陶貞白與楊許諸仙往來親得其說而紀之大和山巔真君殿殿可三許俱銅質沃以黃金棟柱門屏題甍並具其像與四天兵皆銅精工踰土木

漢壽亭侯

江東刻關廟會文五十篇侯靈批評為序論文以抽發性靈為主

陳明卿無夢園集

歸安昆山閔侯廟潘少保印江季馴建門額曰武安王廟殿額曰漢壽亭侯閔公廟旁署羽書出鸞筆又題柱曰昭昭与日月爭光悠悠共乾坤不老

海益吳尚書

中偉

先任貴州學使公署前有侯祠以其障而徙

之加閔麗焉已吳坐堂上有銀甲三人直入不為動俄子婦瘡疾死第無如尚書何也沈太學世洎說云尚書面語者

崇禎丙子二月朔流寇攻桐城卜于閔廟不利禱神衣所其右臂及攻城斫者死焉賊完像懺罪

壬午十一月十九日夜淄川翰林侍講孫之澣夢神禦北兵及兵至知縣史能仁巡南門父老言神像汗如雨事聞于朝

癸未正月朔河西務閔廟僧夢神禦敵久馬生蟻虱求整刷驗

述鄭益校錄本

之良然吾寧南門內閔廟局未了英雄出鸞筆

丁亥正月三日仁和臨平鎮戍主寓東大橋之閔廟久矣是日小卒忽作神語責數其罪戍主怖謝請修廟小卒素不知書至是手疏里人名驟建揭旗以募或書國號即裂之但書神號而已戍主因避他舍其事予友人目覩

周凱

東甌周凱吳晉間人時橫陽永寧安固三邑地皆斥鹵凱開導三江悉注于海因射箭退潮而後民為立廟曰仁濟廟至今有司歲祭

雷廟

予友姚榮夫為高州募官高去雷陽三百餘里自言親至其地

見所謂雷公者為予言甚詳云其地雷聲特異雖時小殿屋瓦皆震如近在簷宇間者若迅雷必連擊數人雷之神曰陳文玉有廟甚威犯者必死廟門建二高標每欲發聲或享祭時必有紅白二鳥飛集標上怒氣勃然無不沮喪廟中人云廟後山有窟也皆藏土中出則行天其言如此榮夫曰一日郊行忽數夫舁一物至狀類豚體有班點文問之曰此所謂雷公也俗謂之土豬兒舁將何之曰往瘞之耳

董穀雷公傳

攷雷廟在雷州城

西南八里陳大建二年州民陳氏亡子家畜異犬九耳每獵卜其耳動多少為所獲數一日九耳皆動既而獵得一卵圍尺餘捧歸舍忽雷震劈開得一兒两手有文左曰雷右曰州及長名陳文玉登第為本州刺史後神靈大著州人祝之自五代至國朝皆加封祈禱無不應其名雷州自唐貞觀元年或曰城南十里許有擊雷水州因以名

白眉神

教坊供白眉神胡望用手帕針綫刺神面禱之甚謹謂撒帕着人面則或溺不復他去白眉神即古洪涯先生也

花瑣志

李衛公廟

安吉州李衛公

德裕

廟宋政和二年三月四日廟中隕石云歲

豐之兆熙寧甲寅嘉定己卯元泰定己丑三月乙巳明成化辛丑

八月甲辰俱隕石殿像無一隕

安吉州志

諸葛武侯廟

洛川縣諸葛武侯廟規制閎麗相傳宋曹武惠

彬

過之以偏霸

撤其廟闕下石不可去刻云知吾心腹事惟有宋曹彬武惠神
之下拜蒸嘗加虔石置龕中并祀武惠又田者復復瓦修尺有
一寸五分博四寸形如常瓦獨兩層中空枕之值更輒鳴怪而
碎之內篆孔明行軍枕字徑寸高平馮吏部養志宰洛川藏瓦
之半

岳武穆廟

山陰王伯方洋嘗過湯陰勒詩岳祠中意寓微諷還里以示郡
守蕭良久之鄰人某被冥攝見籍注方伯毀謗先賢蕭良詩証
奪壽亡子孫墨書其他善事朱書也鄰人驚悟走語方伯果然
乃改前詩馳刺湯陰之祠雖壽終亡子白洋朱氏說

嘉靖初錢寧死後魂游崔駙馬家作聲曰謀反非罪許宸濠宴

述鄭益校錄本

加馬迎立雖然數也秦檜欲殺岳飛不合助言冥司問七次凌遲
今三次矣問在宋何人不肯言召天壇道士遣之去王文祿庭
聞述略

晏公廟

晏真人名北海宋元祐時晏坊人牧牛至旗面山遇二仙奕石
上侍閱良久各授桃食之後羽化鄉人立真源堂奉焉凡蝗蝻
水旱祈之有應歸化縣志

臨江府清江縣北三十里清江鎮晏戍仔宋初為文錦堂局長
因病歸登舟即尸解人以為神立廟祀之有靈異於江湖國
朝封平浪侯按兩晏公今郡縣多祀晏公或清江晏氏耶

蕭公廟

新淦縣北四十里大洋州人蕭伯軒宋咸淳間死為神立廟元

明以其子叔祥合祀 本朝遣官諭祭永樂中其孫天任卒屢著靈異亦仕于此詔加封水府靈通廣濟顯應英佑侯臨江府志秦和蕭蘭芳歿鄉人奉為小神永樂中裔孫大任復以神顯啖白石一拳坐逝遺骸貯木桶中置廟東廡江湖榜人崇之太監鄭和下西洋奉神命封平浪侯烟霞小說夫英佑侯一人耳名籍互異如此曷而從而訂之質叔向以臺駘問賈生當有其人敬識于末

宋相公廟

富陽縣紅山宋相公廟宋 寧宗時尚書棄官修道咸淳二

年成神今其後人皆習禳厭之術

利濟侯

述鄭公校錄本

金元七前元長洲民世出一人生有神助專拯墊溺之患年四十上下死輒著靈異今其地曰金家庄陸采覽勝記談一曰有二子痘夭因願歿身為神救危痘七月七日赴周涇河死顯國初封金元七總管萬曆初封專堯痘司

東華洞仙

東華洞主人郭維貞固始人宋季隱莆田之壺公山不仕元杜門學道因塋焉其家奉一仙曰郭東華極靈後莆田周吉崇禎庚辰進士授懷寧令在兵充斥仙為書符錄却之問後福書云此人乃岳武中宮第七子降凡日後有封侯之職是仙能書畫

宮亭神

宮亭神甚靈有婢名如願客有所求叩如願即獲又能于湖心

分風能使上下各得順風故劉剛詩云臚來派水舉棹逐分風

神樹

正統二年六月乙亥雲南晉寧州學正楊茂上言城外塔墩有大樹頗怪異居人祈禱輒應因號塔墩聖母目曰神樹永樂中大風折其樹軍人陳福海鋸以為板內有神象戴冠執簡容貌如画人皆驚異立祠以祀加封號 上以淫祀非禮也其止弗聽 寔錄

雪冤紀異

祭酒汪偉曰南臺侍御萃亭沈霽子公正德戊寅秋七月奉命按視屯田於江北未至全椒三里縣人手訟牒隨而訴者幾輩君默數而目識之既而失其一詰諸左右左右謾應曰蓋講而

述鄭益校錄本

散者也至縣坐行臺訴者入沈見三人焉隨宜處分之末一人蓬首跣足衣敝甚乃道中所見而復失者君問之若何許人應曰全椒何名曰小羊訟何事曰有冤也有牒乎曰無有沈叱之使起因忽不見急索之弗獲然是時亦君獨見之而與之言左右莫見也君知為妖大駭雨汗嘔痢交作縣令孫贊入問疾君語之故因詢之曰縣中得無有冤乎對曰往年有顧景祥者為其 景原景昭所害及其子計免事適敗露殆非是耶意景下有小祥字半為羊耳君疾隨亦良已遂竟其獄則小羊者景祥小名也豈不大異事哉

貞婦著靈

正德丁丑歲黃嚴結訟者夜泊清風嶺下內教人妄議貞婦因

誦詩詞以資謗詭即時風雨暴作舟覆而死續有褻冒者遂有
奇禍見蔡潮重修清風祠記

百老屯

正德十三年車駕出居庸關駐蹕有白鬚翁百人迎駕近則無
所見因名屯曰百老

劉兆元

上海劉兆元任懷慶推官卧疾見女子旁侍以家婢令取茗恍
惚不見遂引告卒于家嘉靖 事

曾銑

江都曾石塘銑諸生時構文若思嘗步入叢塚間見岍鬼語河
鬼曰若何時得脫曰明旦某傭代我矣石塘明旦候之果菜傭

述鄭坐校錄本

將浣足阻之夜聞鬼語曰本得代奈曾斫頭悞我

楊繼盛

嘉靖戊午四月三殿灾人見楊椒山青中縞服雙眸炯炯馮午
門西角檻若指揮撲滅狀踰時方隱

王秋英

嘉靖甲子福清諸生韓夢雲瘞石湖山遺骸夜麗人至云王秋
英字澹容楚人元末從父官值寇擾崖死感德相就輒數日一
至多吟咏明年寒食祭墓即出見同婦生子萬曆癸巳以綠畫
泣別

土神陰譴

吾寧石井村

某

恬訟寓城十三灣巷醉而搜土神祠前已悔而

禮謝及訟勝賽飲而酣謂神費我藝一札於鑪當訴汝城隍廟
蓋戲也夜夢神曰汝自褻自禳於我何預即訴之城隍可也汝
狂悖閔公行捷汝二十矣明發懼不出晚巷見輦上人傳呼過
者避入酒肆所懸牌適觸之墮輦上怒之逮酒家悞及某捷二
十則通判閔世教也

屍蹶

洛川縣 某死戚屬夜侍各假寐屍忽蹶起徧吸諸人口其一驚
走掩尸屍追出格于戶相抵詰旦人集嘆以犬血屍始仆不決
月受吸者相繼沒高平李養志吏部說吏部堦見語
海寧袁花鎮祝俊卿父沒宗戚方酌奠屍忽躍起諸人越日俱
死父尚在孝廉朱近修說

述鄭益校錄本

周如砥

即墨周礪齊祭酒少讀書東郭精舍舊有崇公獨宿不懼夜忽
一縞衣少艾立燈下久之不去叩以功名如券且期末年一見
及卒之前歲往遙見之

蕭觀察

江右蕭 任浙江按察司亡子而斃其應嗣者有戚友來候經
三衢其故嗣求附行雖知其鬼不能却也因入杭之官舍出曰
大門見拒乞楮錢若干許之見其隱鼓中亡何蕭下世嘉興沈
德先主事記其名

陳夢璇

閩人陳夢璇官粵東江隘來舟悞觸篙工跽懇陳氏悍奴遽推

溺之行里許晦空忽晴有神如雷公狀立舟上責奴曰爾宿愁深矣嘗一事善得延喘今枉溺人難遣也梓岸上灼死舟人大怖神又諭以亡恙且曰茲地許某善人也可訪之遂霽夢璇如其言訪許某

延安地飯

萬曆壬辰修延安府坎地多孟飯人啖之亡恙

王立穀

萬曆戊午新淦令臨海王立穀入覲十月十八日宿荻港二青衣夜攝至帝所冕旒正坐旁席二人侍衛猙悍主坐曰爾丙辰八月命盡今猶齋戒力也爾何違之示以簿詳注年月至丙辰八月而空即下獄在坐者起請勸其破戒後事階兩巨麓俱縣

述鄭益校錄本

牘并平日戲筆在焉各驕氣青黑白赤不一吏簡聚之先青黑次白白聚而青黑色漸縮次聚赤則青色隱黑色寢微主座視赤者所刻金剛般若好生編及社倉卷也餘不盡見主座曰當損明延年猙使抉目而寤聞鷄鳴家人守視不能舉目即乞休持誦歲日愈王自有記立穀丙午貢士

楊鐸

嘉興楊鐸始萬曆壬午榜俞廷讓也登唐成進士任吉安司理在遷免歸癸丑卧疾夢冥呂懇以對門易鐸代冥隸許之亡何易鐸死始大怖凋其喪而火之亡何易氏妻呼市中謂我易鐸也為楊氏借陷今返魂無歸所矣奈何楊聞之度不免命髡緇以殯

沈壻鳥鳴

海盜沈某貧亡賴聽野鳥啁鳴各效之酷肖人因以侑酒有徽
賈挈之姑蘓偶鳴于綫店中富子遣僮市綫久不至訝之曰肆
主聽人禽鳴故遲我非我遲也言問所為禽鳴者述其狀亟呂試
之大悅留家監所有空舍素多鬼以寢之明旦未起家監
扶戶入沈某猶斲也曰夜若白衣人謂盡以遺物相付家監大
駭坎室中窖金俱錫沈某及富人女名蓋富人亡子止一女遂
以壻沈

葦舟

崇禎乙亥予館海盜橫山張氏其邑寓李洪宇先年莫趨橫山
中道有舟鼓幟而來求附載登之行里許心動亟登岸因足抵

述鄭益校錄本

其舟半覆疑之遂他宿或曰此安得舟也旦往視登處則巫者
縛葦為舟列鼓幟半覆者也李迄今亡恙李又云賊曹李恃勇
亡賴嘗于西盜倉擊私盜者始而角已舟漸縮如鴨異之抱歸
時婦暴卒移刻而甦問之云我登舟為惡少年所勦幸奪免也
朱大紱

崇禎庚午李水心司理嗣京預聞闈比舍郎同年郭夢吉
十一夜同聞戶外哭聲宛抑嗚嗚不能出諸口明日搜朱大紱
卷其表有鬼哭非無因之語驚為異事李自有記

婁東冥判

太倉徐坤素齋誦崇禎癸酉六月二日夢攝冥府事百日每夕
鞠問九月二十日事竣刊有婁東冥判

沈招遠

癸酉仁和沈招遠桐鄉錢汝邁並麟經出金華令項人龍之門
招遠力薄寄在錢氏遂抑二佳卷於乙榜其一忽死而招遠疾
嘗若對簿狀寤而走錢氏曰事發矣弟向詒兄寔千金附進今
被陰譴兄坐累斥弟與項師不可活也明年果並沒汝邁以他
事除名

張耀采

乙亥正月望日 叅政張耀采卒于刑部獄中甲戌是日
吏部考功員外郎省矩自縊適滿歲耀采目見之

神燈

己卯正月廿二夜神燈見海寧郭店鎮可二十刻

述鄭益校錄本

郟城神誑

辛巳山東旱蝗郟城有神降曰七月二十二日水至八月望寇
至及七月果水溢人因信寇至扶挈南走宿遷迄八月亡恙

徐銘

華亭徐銘 進士徐銘經之兄辛巳疾沒且殯忽開目曰異
哉有陽必有陰云云遂甦人問其故曰吾至冥司見來牒為公
勾事後計開有罪犯人七名首陸彥章張侍郎鼎次開應死平
人百十 名身 預焉名上書聖門弟子凡諸生皆然人
各著其子或著其人弟防悞攝也末名唐鉉亦華亭人時遊
閩中從卒欲往卒主吏曰客死最重此人當沒於家寧俟之耳
主吏冠服如驛宰狀銘 未幾下世唐鉉聞之不敢歸越

還里果卒包長明說

豐縣逸鬼

壬午北兵陷豐縣有二人被創狂奔或叩之曰城破以訴城隍神問神安在曰逸沛縣時沛縣堅守

邯鄲鬼

崇禎五年流賊犯邯鄲殺童祀神後寃鬼宵啼路解行人或曰生畏賊死猶是也以賊嚇之可止後復啼衆大譁曰賊至矣自是寂然誘云鬼怕惡人亶其然歟

蔣國華

江陰蔣國華花塘里人性朴質先是天啓丙寅年二十六夢青衣童子引謁城隍神及岳相東平王隨詣東嶽廟地比青碧至

述鄭益校錄本

今庚寅三月十八日經蔣家橋見大父呼之赴冥司攝事急歸浴而卧土神促程鬼卒掖上馬馬躍而醒亡何仍往經大城坊曰幽冥橋渡橋入東門曰善慶閣福德門至東岳都相東平王府曰都察司入揖至岳廟即丙寅所見者殿左右七十二司造冊所曰監錄司冊有六曰善惡曰生死曰殺戮曰無端曰荒蕪曰瘟疫冊各四帙每司造冊吏十二人總管十二人因朝帝令覆冊分詣各司國華領左箱第十三憲察司天下郡縣城隍神俱金幘頭侯門冥官仍進賢冠青錦袍冊書順治七年國華派冊訖因謁閻羅天子命判官檢國華壽尚二十一年閻羅則宋韓魏公琦也辭出童子送之登舟及岸而醒二十日早又見大父促冊期二十七日入冥如期二十八日則荒蕪瘟疫無端三

冊竣江陰城隍神蔡 奏縣重困不堪疫帝不許又限生死善
惡殺戮三冊五月十一日竣至二十九日復甦五月朔又入冥
印疫單在東平王處名氏下詳疫狀印訖下城隍神三日復甦
顧曠

邑諸生顧曠住橫徑河丙戌九月館陳氏午倦憩攝入冥司閱
籍乃唐謝小娥後身也其籍青函鈐印詳載履歷近蹟十五歲
不注曠原名義年二十二嘗觸吳氏子錢增歲一明年諱女子
某私事增福一歲又明年收糧重其衡減歲一其增減類如此
凡不經意之事悉載焉寤以語人甚詳予別有記

臨江府志謝小娥不知何許人父為廣州兵官部押金銀入京
攜家附舟過蕭灘二里許遇賊被害小娥溺水獲免旦附魚舟

述鄭益校錄本

而出行乞於市後為益商李員外家傭奴俄見其酒酒器皆父
物悟向盜乃李也心銜之俟生日舉家酣醉持刀盡殺之事聞
命以官願為尼乃建寺居之即報恩寺是也 相國李紳有傳

朱之倚

東里朱之倚同予補諸生膺貢訓導海益丁亥十月卒戊子十
月降箕云以八事見錄天曹成小神問休咎多奇中今其家 立祠

郭基

金陵郭基無壞性慙直崇禎戊寅應試句容有檄以玉兔山司
瘟廟闕都總公代之辭不往檄者求暫允徐往可也試訖還家
語家人治後事而沒是夕廟之鐘鼓有聲示夢羽士塑其像

張生

仁和張生 父玄有家學好牡丹亭西樓夢等劇館橋司鎮尹師東家嘗外醉歸聽擊竹敲磬之見艷女攜燈相狎將曙珍贈而別生有詩半庭新月青燈外一種私情翠幙中記其寔也後攷之蓋越女停柩其所贈皆殉具

歌鬼

嘉興某生月下清歌忽後有和者同調契洽延之家飲仍歌如初夜分而寢鷄鳴其人即去不及別又扣門詰之曰我寔非人也亂後如我輩甚多今後毋宵行夜歌或訪他輩耳

庚寅六月或徵優於嘉興城晚舟行二十里抵舍座客四集演劇數闋優覺寒色有識上客故編修屠象美給事李毓新諸公者俱前沒賊之亟振金鼓則四無居人乃故相呂文懿公墓庖

述鄭益校錄本

鱉魚三四頭尚縣松上

說鬼錄

張真人家有說鬼錄

豐沛鬼

丁酉夏秋間豐沛蕭碭多鬼衣冠雜途中或相問答語即引去迷死聞者戒途

黑龍潭神

張秋鎮北黑龍潭其水深綠有工人三中夜聞呼聲云某宅修偶門先付銀五錢可即往乘月行有二人先後之及潭側謂吾當挾汝勿碍也正挾時墮潭中覺衣履不濡宮室偉麗引入後堂修輯掖門有老人深目長鬚布帽綠衣出問之各勞一金凡

半月畢工又賚千錢遣前二人送出天明行人見三人卧沙上語其家各扶歸

城隍神

南京城隍神孫策北京城隍神于謙杭州城隍神周新

松潘尺骸

蕭山來憲副 云松潘浚城隍得人數千百皆長一尺許衣冠自三代以下皆具

嶽婿

漢郊祀志大山川有嶽山小山川有嶽壻山嶽而有壻則嶽可以謂之婦翁矣世俗之稱謂未必不以是又因嶽山而轉為太山耳 元黃潛

述鄭公校錄本

子路

成化間河內縣學居民于文廟櫺星門內及先師殿前牧日聚其中忽見一人頽而黑手持木器怒而責之即入殿中隨視乃十哲中子路也後其人竟疾不起舊有碑記今剝落不可讀而斷碣尚存夫以聖賢妥侑之地為愚民畜產之場誠不得違其罪然子路乃顯靈而朴之意當時剛毅之氣歷千百世未歇而亦以見鬼神之英爽不可褻也夫敬而遠聖人訓之矣 河內縣志

太原高自卑太學嘉靖十四年知咸縣嘗丁祭齋宿夜夢仲夫子持戟入廟受享臨祭忽聞一主覆于龕高曰此必仲夫子主也視之果然一時咸驚

蔡元定

建陽縣象岩山蔡季通誦書慶堂曰頭慶紹興辛巳季通于堂中推演子孫世數未有數終輪奐猶有代御史尹仁為政噓之句成化丙申巡按尹仁入閩夜夢一老人來見叩姓名蔡元定也至建陽訪蔡家譜見顯慶堂推演詩不覺竦然即捐俸為建傳心堂晉江蔡元偉曰周子出則知教學者邵堯夫朱子出則知教學者西山

山西諸生某丁酉臨闈其僕病生初場出病僕曰主人且捷我在場相周旋也生未信病僕言疾舍事果不妄次場亦如之生曰果捷某人女吾當以配若病僕曰我 也彼則溫室何能誑之生曰果捷吾力能得之爾何虞焉至末場出病僕曰主人除名矣蓋望日天神考陰隲謂主人設心惡已果他人名也

果驗

述鄭益校錄本

藏經志怪

廁之精名曰椅衣青衣持白杖知其名呼之者除不知其名則死又築室三年不居其中有滿財長二尺見人則掩面見之有福又築室三年不居其中有小兒長三尺見之則掩鼻見之有福又火之精名曰必方狀如鳥一足以其名呼之則去又木之精名鼓候狀如黑狗無尾可烹而食之又千載木其中有象名曰賈誼狀如豚有兩頭烹而食之如狗肉味又上有山林下有川泉地利之間生精名曰必方狀如鳥長尾此陰陽變化之所生又玉之精名岱委其狀如美女衣青衣見之以挑七刺之呼其名則得之又金之精名曰倉嚙狀如豚居人家使人不宜妻以其名呼之則

去又火之精名曰罔象其狀如小兒赤目黑色大耳長爪以索縛之則可得烹之吉又故門之精名曰野狀如侏儒見之則拜以其名呼之宜飲食又故澤之精名曰冕其狀如蛇一身兩頭五采文以其名呼之使取金銀又故廢丘墓之精名曰亡狀如老役夫衣青衣而操杵好舂以其名呼之使人宜禾穀又故道徑之精名曰忌如野人行歌以其名呼之使人不迷又故車之精名曰寧野狀如韞車見之傷人目以其名呼之不能傷人目又在道之精名曰作器狀如文善眩人以其名呼之則去又故白之精名曰意狀如豚以其名呼之則去又故井故淵之精名曰觀狀如美女好吹簫以其名呼之則去又絕水有金精名侯伯狀如人長五尺五采衣以其名呼則去又臺屋之精名曰

述鄭玄校錄本

兩貴狀如赤狗以其名呼使人目明又左右有山石水出其間水出流千載不絕其精名曰喜狀如小兒黑色以其名呼使取飲食又三軍所戰之精名曰賓滿其狀如人頭無身赤目見轉以其名呼之則去又故水石之精名慶忌狀如人乘車蓋一日馳千里以其名呼之則可使入水取魚又丘墓之精名曰狼鬼善與人鬪不休為桃孤棘矢羽以鷄羽射之狼鬼化為飄風脫履捉之不能化也又故市之精名曰問其狀如圓而無手足以其名呼之則去又山之精名屢狀如鼓以其名呼之則去又夜見堂下有兔披髮走物惡之名曰溝以其名呼之則无咎又百歲狼化為人女曰智女狀如美女坐道旁告丈夫曰我無父母兄弟告丈夫娶其妻經年而食人以其名呼之則逃走去又故

溷之精名曰早狀如美女而持鏡呼之知魂則去

魯汶

全椒魯汶警年讀書于學宮東廡夜有美姝喚開門汶用劍斬
姝遁松樹下後發藏視之乃斃狐也後膺貢任萬年主簿鋤強
扶弱卓有政績全椒縣志

金龍邵氏

嘉靖初盱眙縣石壩集邵氏嘗有妖竊甕水每伺之不得一日
晨起見中雷大光燁燁欲驕而上主人以田器擊之鏗然墜地
有聲視之金龍首大于五斗釜乃驚愕急以布數十裹而瘞之
禱神畢出之赤金也其身尾俱銅錢其家今富盱眙縣志

龍女

述鄭益校錄本

海寧許村南五里龍王塘初有女汲于河得浮卵吞之因娘仍
生卵棄之化為龍女復時候其母留龍鬚為筆遇旱以筆書符
投龍王潭中其符浮于臨平山之巔立雨後令君取其筆遂絕
響

毛女

袁州平鄉縣五里毛仙山昔有人過此山逢一人徧體有毛言
詞異常後不復見宋朱晦翁嘗問驛吏云狐魁所為遂題詩云
人言毛女住青冥散髮吹簫夜夜聲却有郵童解端的向儂說
是野狐精

潼關老人

潼關兵巡道制頗宏壯後墻叢篁茂密嘗有老人深衣博帶出

與人交語人不為異嘉靖中南充王南岷廷任其地一日呼
入書室語以爾既出見人若非精靈必係神怪知我未來事乎
荅曰公名位在某架第幾冊書內公檢視之則浚川王公廷相
集也公異之乃遷署潼水西以其地為察院其年洪水堂宇漂
盡無復叢篁異不復見王公果總憲

朱明虹

舟葉

廣西宋君佐署當陽縣學云沙洋市人偶見水中一舟載人遠
來可二三十登岸則舟乃大荷葉也人方駭之而舟人至一大
家求食與錢不應毀瓦畫墁與之角則自殘其體其人終不能
傷遂沿門擾之官府亦無如之何月餘不知所往

承天府志

龍眼怪

述鄭益校錄本

秀水屠憲副叔方孝廉時見二髑髏流內室侍女皆佈屠躍起
執之為龍眼挾

琵琶亭怪

嘉興沈昭明德宿九江之琵琶亭午月沒空同輩五六十人有
眇丈夫樞衣露臂徧印諸人之面惟不及孝廉明經沈手拒之
覺腥滑次夜衷刀以待越再宿刀中其臂血流奔岸亡何面印
諸人皆瘡

閨揚

大同公館相傳有崇使客多寓外舍縣令閨揚不信夜列卒燕
炬迨夜分素婦步月階下閨叱曰果寃乎哉宜訴我婦忽自空
入縞衣領綠間簇針如蝟炬頓滅僅燬一蠟婦逡巡欲前遂麾

之即隱閉就寢席為針刺屢拂如故起移床而壁間紙動揭之則復壁也閉引刀秉炬而入有物相撲刀舉炬熄旦見白狐死壁下

妖履

桐鄉嚴蘭津讀書苦上深衣獨坐有麗人扣戶入之詰所自云宅眷也嚴疑其祟凝坐至漏盡始去明日告歸抵舍夜夢麗人貽以弓履果得之枕上雙繡紅灼嘗出之示客

贛榆妖

吳興朱司理淮安署贛榆縣事暑夜命僮摩足俄若針刺視之非僮也少婦也佯任之且摩且寐刺漸深醒又僮也仍寐且叢刺驚起又老婦也朱命燭又叢刺怒甚見老婦入壁破其壁

述鄭坐校錄本

老婦立自如朱折几撞之相格鬪稍倦妖倚墻墻而立朱舉椅抵妖於墻不可脫僮刃之背白毳如綫蓋狐孽也

丘志充

山西懷來道右布政諸城丘志充公署有樓多祟閉久矣丘特登之積塵累寸其妖冠進賢服金緋凡六七人或排衙鼓吹或宴樂如此不一嘗簡丘稱都臺其墨淡留數日字滅丘計迫縱射之妖拍案笑接其矢乃縱獵犬發銃斃數十人冠緋者預焉妖雖絕而丘以通賄營開府事泄下詔獄棄市

魯府童子

崇禎癸酉夏日魯世子以孤忽見一童南髻藍衣朱履行日中杳不見影世子忽急尾之忽岐為二相盼即失之邑人吳大行

本秦使魯府有詩

素娥詩

長安鎮人某讀書臨平山中晝值歌妓作歌妓琵琶詩吟誦不
已俄縞麗叩門詢之曰素娥留坐歎其佳咏某愧謝求和素
娥朗吟曰歌側雲鬟尚帶羞教猶唱八甘州歌來無力眉常
斂彈到傷心指半柔腸斷花前絲續怨魂銷月下夢陪愁惹人
無賴輕歸去今夜誰能伴錦裯某戲請伴笑許之拉徃其處室
具俱白宿數夕送之曰如念我可時至也某自此詩思日進秘
不示人趙昌齡說

魚妖

湖州烏鎮董威故尚書份之裔蒼頭某頗饒庚寅夏有物空中

述鄭公校錄本

求飲食違則見禍懼而享之見黑氣如雲飲啗甚壯屢索不已
某以告威威亂後好養生家言禳以羽士俄擲磚石詬怒而洞
庭山隱士施亮生有道行召治之雖遁而不絕某訖之城隍
神詬怒如故威言於烏程令劉壘壘清執最有教遂齋沐告城
隍曰陰陽各有所司何得縱妖擾民妖月餘來云我求食無大
罪今城隍釋我矣爾其奈我乎威因檢道藏有曰凡妖魅為符
呪所不及治者製桃弓柳箭伺其至射之如其法始絕蓋太湖
魚妖也

徐氏妖

邑諸生徐仁振故太守伯徵子家西鄉庚寅七月朔步庭除拾
書曰歲在戊子仲秋月中秋夜予坐書齋見月缺紗窓玩賞無

已幾無何不覺園憊為睡魔纏擾夢至徐似翁家直入新樓下見其室燦爛徘徊久之少選主人出叙論握手揖我與坐主人東向坐予西向坐相與道賓主之誼甚懽主人因言曰予宅非凡地下有玉鯉魚金鱗而赤尾其泉直通大海予先君以為善卜居於此予聞主人言方且驚且異且信且疑俄而地裂有魚出焉化為黃龍而去是時予駭甚始信其言之不誣忽聞戶外喧然猛然而至詢之則諸公子射也予亦起入人叢視決勝負但見諸兒操弓挾矢其仲子連發十矢合式者三焉旁有鳴鑼者七教緩三教亟於是諸賓客親隣觀者蓋如堵云懽笑倍常予亦驚覺已月轉中庭矣特予自思之予之與似翁素無相識且不通姓氏無故而過我以寤寐豈其後予與似翁終非陌路

述鄭公校錄本

而姑于今日天作之合耶抑予之後有興者而姑借似翁以示顯應耶否則似翁家之事無關於予予何故而得此南柯一夢也予亦不詢其事之有無姑記以為後日之驗應思發矢之人似翁太守號也仁振以呈太守謂黃龍句慮榻燬之弟誼振手錄焉是月十三日誼振卒或龍飛去十矢三中其兆云而妖記特奇從太守婿吳寄示者

浮提國

海外浮提國其人皆飛仙好游行天下至其地能言土人之言服其服食其食極意與人同樂欲返國刺頃可萬里萬曆間葉侍御按江西有司言市上一群狂客善黃白極飲娛樂市物甚侈多取珠玉綺繒賞之過其直滿用金錢不甚惜及抵墓勿不

見詰其逸旅衣囊俱無有請大索侍御不許召至前果能江右
土語手持一石似水晶可七寸許舉之案上上不前後物入
鏡中寫極毛芥又持一金縷小函中有經卷烏楮綠字如般若
語覽畢則字飛願獻此二者侍御卻而遣之明日遂不復見

宋氏烏巢

蘭谿山何宋氏烏巢于樟其鳴似云何相傳樹應越州有男子
探巢得千金謂越州者紹興也因賈紹興投逆旅解裝飯于市
且縱步忘逆旅姓氏失其處僅腰微貫而返則烏啼如初仍探
之得大鏹五十金上有字此金贈與送金人男子又持往紹興
隔年餘矣值舊逆旅出其故橐男子曰此天以賜若吾自有五
十金也脩道其事締好致富

述鄭益校錄本

豕言

仁和橋司鎮村人畜豕將召屠令妻飼其餘豕忽聞人語敲察
之一作徽人音一作蕭山音一作松江音妻驚却告其夫夫走
聽果然其家亦亡恙

瘞孩復甦

澤州原天順八歲被市人毆死訟官驗瘞數日有狼啣出仍活

鷄子中魚

嘉興項氏家剖鷄子中有魚躍於地忽不見

鵲啣免馬

雲南黑井監課提舉司竈三百五十三丁每丁帶耗費月納銀
三兩八錢一分九厘司官婪甚每丁加一免馬重三錢一分八

厘上官不問萬曆六年新安汪雲秀束提舉如前例忽一鵲啣
兒馬飛去復置一馬又啣去雲秀懼而欲裁之僚吏不可因循
半載事發抵罪

天書

崇禎丙子西安縣市人王氏忽雷雨中偶觸產室雷雨遂霽塔
上有天書二子不孝他日重治八字似行書徑二尺餘似以積
沙成之滌不能去頃之自滅

象山妖異

嘉靖三十七年三月有妖祟六人一老嫗四為媳一為女至邑
之梁氏托宿舉家俱無所見惟一幼子婦見而逐之相與叙禮
延入內室問答朗朗有聲供茶畢婦啓曰尊容宅居何處老嫗

述鄭益校錄本

答曰家居不遠世與宅上為舊戚今歲各當遣女翁往嘉蘇賀
物家之主特來相倚婦唯唯備告于姑姑疑婦為祟所惑具牲
醴賽之老嫗等怒責之曰事急依人吾非鬼祟為禍者何以生
物食我令婦熟而進之盤盂盡空夜邀婦同宿無異生人如此
者半月餘始去既而人詰其婦云老嫗雖耄而容儀修潔不凡
其婦女數人則世間所絕見者竟不知其為何怪云
隆慶二年九月五日申時有紅鷹將葉明家十歲兒自東門櫻
至天字號觀風亭上其父急禱趙元帥奔追獲歸及詢其故兒
荷趙元帥鉄簡擊鷹始得活

萬曆三十年五月二十二日縣城中妙華堂忽有異人胸背各
懸一鏡手執紅棍肩負紅袂兒童爭視之遂化青烟而去

以上俱象

陽武泣聲

嘉靖三十二年三月陽武縣西北門外白晝無人聞有如悲泣狀凡三日時云鬼哭是歲河溢其旁厲壇衝漂朽棺枯骨不計其數

陽武縣志

雷神書

萬曆十五年六月獲嘉辛豐里人王好仁妻帥氏抱兒乳哺忽雷震死所存僅皮骼皆輒消盡兒亡恙也皮有雷神書二行鄉人莫識

述鄭益校錄本

叢贅

沐英

沐英祖籍饒州樂平縣李姓先墓在大汾潭洪武二十八年沐春乞遣將伐代鎮親詣樂平政祭八月進封春黔國公不許擅離蘭谿金訓導云沐英祖徽州績溪人專棹舟歲暮值地師失路求度因問其淪落狀閱之留於家春初雪地師偶步奇其地歸問沐氏曰此族人某山也若得之易耳吾屋三間彼欲之索直三百金故不果如售屋則山歸我矣於是成券果得山且為擇塋囑曰行當有大禍願不發也尋爭渡斃人戍定遠

徐達

徐中山祖墓在豐城同曹水南向曰二八居士墓

中山王墓在鍾山不封土細竹下即是像白晳而厚面目不甚雄偉

李文忠

李岐陽墓規制遜于中山石馬一存其左蔓草間尚未畢工替身出家

本朝自太子諸王降生俱剃度童幼替身出家不知何所緣起意者沿故元遺俗也 野獲編

翰林官

翰林叙御在官下元時即然他官品在官上詞林稱閣臣堂翁老先生閣臣不論首次俱綬掌院不綬翰林學士班僉都御史上出道雙棍值政府不避講讀學士班僉都御史下祭酒上日

述鄭坐校錄本

講官軟靴短衣便于對展書官短衣跣御案西大司禮立案左先展書以案高展書官不便也

良鄉帶

京官俱繡服惟行人司在京青素角帶出至良鄉易補服銀帶號良鄉帶

御槍

高皇帝御槍二藏南京午門樓上大者幾盈握修可丈六尺小者修殺四之一圍殺亦如之蓋馬稍也

多學

平涼華亭縣多學洪武間監察御史巡按山東其子孫改為党氏

從征日記

巢縣俞通海初以親軍宿衛出入行間終鞏昌衛指揮使世襲年六十二著從征日記四卷藏于家未刻述國初事異于常聞山陰朱燮元備兵隴右得錄本今佚

僧道不衣綾羅

洪武二十八年正月校尉賴謙見神樂觀道士陳丑道衣青紵絲襖子在街上執之以僧道止許穿紬絹不許穿綾羅也有旨以神樂觀樂舞生釋之予兩區官絹壓驚

鎮海衛指揮

常遇春幕客上官 專掌書記遇春薨 上思及上官氏召其二子八分姓上 授鎮海衛指揮官 授山西 衛指揮又常

述鄭益校錄本

遇春紅旗千搃薛 從征陳友諒以三百人受圍上高望救出之薛首已隕猶執紅旗不仆 上拍其背曰好兒子甚苦始仆常熟許子冷說

蒲壽庚子孫

太祖禁泉人蒲壽庚子孫世不得齒於士蓋罪其先世導元傾宋也宋端宗至泉州招撫使蒲壽庚來謁張世傑分淮兵二千五百人命壽庚將海舟以從壽庚閉城門拒命與州司馬田真如子上表降元帝遂如潮州

綠幘

蔡邕獨斷云漢武帝幸館陶公主家召見董偃、著青襦綠幘按 明制綠幘甚賤繫教坊人所戴或董偃本賣珠兒從其賤

也

葉好文留犢

洪武五年山西葉好文任交河令治行為時第一升知定州初以一牛駕車抵任後產一犢此去任留犢與民

徐呆廝

洪武間指揮徐呆廝出兵河套地名梧桐樹一日午間有大星隕于河中火發延岸上營中軍有傷者後徐氏父子以事被誅果徐氏獨應之也抑別有所應而不知耶

勅主簿

洪武十一年三月二十九日勅聞喜縣主簿初伯詳曰縣屬府州于民為切近必得上循國法下悉民情長于撫字者以任佐

述鄭益校錄本

貳之職初伯詳今授將仕郎平陽府鮮州聞喜縣主簿爾尚恪盡乃心使政平訟理民安物阜斯為稱職矣爾其懋哉

喪麻

喪服用麻布取其賤惡古未有棉布也棉布始自漢北方麻布貴棉布賤又喪家雖隆冬必以麻非禮也

畬客

盤瓠之餘錯處于虔漳潮之間以槃藍雷為姓汀人呼為籓藍籓籓藍籓汀人稱之曰畬客

學錄直講

國初上幸太學學錄象山應元徵進講大學平天下章賜錦衣白金

黃麟題聯

日月光天德山河壯帝居相傳解學士題殿門者非也洪武中
莆田黃麟伯厚以文學薦對大廷稱旨賜第一人授翰林應奉
冬至祀園丘御制門聯云大明日月光天德洪武山河壯帝居
麟佯狂踢仆之上怒麟奏曰此陳後主句天朝效之不既羞
乎上曰爾便易之麟口占乾坤一統歸洪武日月雙輪照大
明上稱善

六鰲縣悞

俞憲登科考弘治己未科三甲進士林文煥福建六鰲縣人按
漳浦縣二十三都立鎮海衛轄陸鰲玄鐘銅山三千戶所則縣
字誤也又海寧縣志永樂十二年貢生沈嘗銅灑縣丞今銅灑

述鄭公校錄本

縣無考

烟脂匠

宋元來烟脂匠其洪法黃蠟火化注水中澄數次絕無渣滓方
用遠近無能造者日貨十數金後為僕人傳方始廣有焉

安陽張氏

風範

南京不打五更

宋時大內五更絕柳鼓徧作謂之蝦蟆更以禁開而百官入所
謂六更也明初南京不打五更云太祖嘗夢人求還地許
之五更頭遂遲其刺

外道留勅

往時布按二司如提學備兵屯監分守分巡俱不繳勅得傳其

子孫近例事竣始繳見郭子章蜀州

崖山紀功石刻

元張弘範崖山紀功石刻題滅宋年月 明廣州守閩縣林洋
改刻曰宋太傅樞密院使張世傑死節于此
成化中廣東提學僉事晉江趙瑀詩忍奪中華與外夷乾坤回
首不勝悲鐫功勒石張弘範不是胡兒是漢兒

偽夏陵宮

寧夏賀南山之東數冢累然即偽夏所謂嘉裕諸陵是也其
制度倣鞏縣宋陵而作人有掘之者無物
賀屋山崖壁險峭延亘五百餘里上有額寺百餘并夏人故宮
遺址自來為居人畋獵樵牧之場弘治八年始禁之

以上俱寧夏鎮志

述鄭益校錄本

寧夏鎮人城宋景德間趙德明內附遷興州即今城也周十八
里高三丈六尺池深二丈廣十丈城樓六角樓四壯麗雄偉可
容千人韋州在靈州所城南四十里蠡山在城西二十里

庫喝

延安宜川縣西北川南為漢北為蕃蕃通漢人以香火為庫喝

邢冕

新野邢冕洪武初進士除江寧主簿勵志清苦婦張氏射執杵
爨太祖微行至其宅親見翌日朝召冕出班加賞因開其軍
伍

乘馬石

北人門外俱列乘馬石戰國策趙武靈王云踐石以上者今同

尺

周一尺當今浙尺八寸當織染所欽降金星牙尺六寸四分

知縣本貫

金華府志永康知縣呂蕙明呂文燧俱本縣人仙居縣志洪武四年邑人任繼先除仙居知縣時法令嚴峻繼先畏之六年歸隱于下黃其教職任本貫頗多不載

獲嘉麥秋

獲嘉縣麥秋時男子樵麥中野以網包盛之母論鄉城婦女及鄰境老幼率尾樵者後競拾遺穗多獲者至斗計莫禁也獨從網包中探云謂之抱包即甚少立見評語此大有古風蓋詩人所謂餘寡婦之利者此也

述鄭公校錄本

寔錄

高廟寔錄一百八十卷諸臣列傳特詳

文廟寔錄一百三十卷載諸臣字里科甲轉歷如由狀略見其為文善者大褒惡者無深貶而勸懲之意

漕艘

相傳國初漕艘太祖命焚其一秤得鉄釘若干按宋許元初為發運判官舟多虐破釘鞠之數蓋陷于木中不得稱盤故可以為奸一日元至舡場命拽新造之舟縱火焚之火過取其釘鞠稱之比所破財十分之一自是立為定額

蘇松田額

蘇州各屬田土九萬二千九百五十九頃五十五畝五分三厘秋

糧米二百三萬八千三百二十三石五升一合七勺松江各屬
田土四萬二千四百七十七頃二畝三分八厘秋糧米九十三
萬九千二百二十六石二斗三升二合七勺

潘陽三使日本

浦城潘陽三使日本永樂中以行人出使日本回獻德化書永
樂大典成陞禮部郎中轉鴻臚寺少卿再使日本還陞江西叅
政落職洪初起南兵部主事宣德間復除鴻臚少卿復使日本

張泌

永樂初光祿寺卿潁州張泌最被寵遇清江彭銘以畫名上名
繪泌像開面方具亟命取視之賞其肖似首肯至再今其家藏
有賜像弁角端圖

潁州志

述鄭公校錄本

狀元母

馬鐸母卓氏李騏嫡母葉氏先亡繼母黃氏俱封安人

御史乘驟

舊制御史陸路止乘驟宣德十年九月壬辰行在兵科給事中
朱純言巡按邊方或遇警與總兵鎮守等官會議不免遲悞乞
予馬匹以便其行從之

經筵

凡天子初御經筵例閣臣二員進講並大學首章或易或尚書
之首條

審錄

凡內臣曾奉命審錄者摹輒畫壁寫像南向法司堂官隅侍御

御史與曹即引囚聽訊以為榮觀

聲鐘

本朝 帝后初喪每寺各敲鐘三萬杵

學魁

凡儒學輒書魁字廬陵縣學明倫堂前刻宋文天祥所書魁字方廣丈餘

安南試錄

安南試錄四場制義論策詩賦

展書官

程伊川先生論經筵第三劄子貼黃竊聞講官在御案坐以手指書所以不坐欲乞遣一人指書講官稍遠御案坐講按 本

述鄭公校錄本

朝經筵日講俱有展書官又內禮監內臣持牙籤指講處

北狩

大同曹安家有巨几一座 英宗北狩還時所御也卜昇此至陽和總兵曹安易以輿留几于家

王越

濟城威寧伯王越父邑掾也年七八歲值縣丁祭籠免者因窺免免逸時越稱神童縣官責以詩矢口曰我今放汝上廣寒甚弗遺跡到人間慙慙寄與嫦娥信丹桂留枝待我攀

勤縣屠中丞大山子本峻作中丞年譜某月日訪故威寧伯王越於山中即日遁去夫褻毅赴聞遣餘姚王伯安治墓今日蟬蛻羽化雖未及赤松視韓擒虎之為閻羅多矣聞褻毅薨後或

遇之于太山後其孫往太山跡之晚遇老人指曰去此不遠從燈竿下往可也望燈竭履良久夜半抵家矣則向之老人蓋即襄毅也

萬曆中醒神翁詭王越又天啓初方士詭羅洪先燕齊怪誕之習豈足信乎崇禎時術者某游燕齊有壯色捧茗甌者子也反白首謂不好道易老或伺之則白首者父耳

董朴

麻城董損齋朴少魯鈍日不能數行鄰人惜之語其父曰即君不慧奈何若之曷不令牧耶父忿之命工畫牧豎于座右苦志力學比長而登成化甲辰進士終江西布政司 叅政

楊志陳金坡稿

述鄭公校錄本

勤縣楊文懿守陳金坡稿中無錫華孺人墓表 誌又言孺人卒時其族謂孺人之行脩矣蓋節以一惠而以賢孝稱之于是誌之書題與為傳者皆如之獨予不能從蓋節以一惠者周人之謚法也在禮生無爵則死無謚爵謂大夫是也魯莊公誅縣黃父檀弓載之曰士之有誄自此始記失禮之由也後世士而私謚若陳文範陶靖節君子猶或議之而况婦人乎婦人從夫之爵而已謚惟后夫人得之雖大夫之妻未聞有謚而况士民之婦乎然則族稱婦人而節以一惠過矣宜予之不從也

陸氏占產

勤人張瑄總督漕運時常疾卧郵舍語侍吏曰若等有異聞乎吏曰里中陸氏奸而橫侵其鄰鄭氏盡其產撒其居立園宅所

餘惟嘉樹一本陸氏晚得子而瘖數歲游于庭忽指樹曰樹乎爾猶在耶家人大驚已而復喑不語間誘之不出聲稍長荒淫戲傲靡所不為家聲罄乃死

張文定環碧堂集

端宏名宦

當塗端廷救巡按兩浙其大父宏故浙左轄諸生議舉名宦杭州守婁德志曰此厚道也願其孫將以巡方至而吾儕舉之如公論何行俟去後圖之及去竟寢

杭州府志

崇禎丁丑閩縣陳瑄守嘉興其大父日休以貢士司諭海寧在萬曆初事遠聲香諸生追祠之名宦此與端宏事正類時無婁守見古今人相去多矣又天啟中潘汝楨撫浙潘筮令瑞安及瑞安令來謁問吾舊祠何如今出不意強對曰小民感佩廟貌

述鄭坐校錄本

日度出語人曰舊祠不知在何所今惟有重剏耳

應聲病

弘治間杭人裴師名頗有文行一日腹語事頗驗師名恥之數月不出遇山東人言其寔其人曰向病此求死道見異即值之忽值一草腹語之勿食吾竟吞之物即洞下而愈遂覓草得于南高峰將食果腹止之食刻許腹雷鳴下大虫如矢狀如蛇疾良已

杭州府志

馮益齋給諫每發言腹中輒有聲應之遂告病卜居南京楊守極用小藍煎水飲之即吐其虫

金陵瑣事

先輩書刺

弘治間邑人祝虛齋萃以主事佐治吳淞水利華亭侍郎顧清

來刺云辱與碩清拜單刺博二寸縱四寸字大如指微黃有花影又虛齋寄人書亦黃折柬式如前面有花紋二事並目覩又嘉靖間許給事相卿寄弟書直名十弟相卿

武宗微行

應天金明府應祥家長千里武宗南巡值迎春日微行見其家大樹集鳥突入而彈之諸臣皆微服以從

朱氏書問

寶應朱氏家乘有書問錄載正嘉間友人所遺凌谿射陂兩先生書稱號連續不作另東如楊一清自名石涼病叟一清拜升之先生道契蓋先輩也景前溪司成竟稱賜頓首凌谿先生年大執事今薦紳通問名刺尺牘外又有駢啟萬曆末駢啟外又

述鄭益校錄本

小啟其詞略簡凡三副楮一全簡浮飾之極士大夫專覓人供應如百函並發劉牧之直當疲死何暇理他務耶

新城王氏

山東新城王氏先自有王叟與其姬力田稍自給有貧措大夜盜其廩扼其吭而燭之故某齋長也憐之曰勉旃勉旃吾夫婦終不暴君之短因出黃梁與之人無知也

新城王氏上世祖鰥居一日天大晦冥良久既霽於塵室中得一好女子年十八九云外國人也乘車過風欣然飄墜遂為夫婦今王氏百年科名貴盛無比

謝肇淞五雜俎

金史有國子學齋長予少時猶見廣文呼廩生曰齋長字說

嘉靖前諸公文集多有某人字說蓋猶行冠禮也故以字重其後雖淵儒碩學見之字說者寥寥古道陵夷亦其一端

原繫

昨城原繫成化辛丑進士歷官戶部郎中督餉大同以羨餘還所司忌者以藥瘖其音因致仕蔬布以終

林濟民

汝陽林濟民弱冠時母病篤命娶婦入門而母卒濟民哀毀逾禮塋廬於墓服闋始合卺鄉里稱之成化丙午鄉薦教諭漳浦以身率人陞檳榆知縣

密箴

晉江蔡清密箴欲為一世經綸事止熟教篇緊要書 格天之

述鄭公校錄本

功興于衽席溺身之悔悞于詞章

虎枕銘

江西左布政使岳池馮馴正德二年進士常任興化知府作虎枕銘太守抵方壺適多警虎三日兩授首鼠狗足評乎太守微其方之將請裁髣作枕而寢其鞞銘曰非爾髣吾何枕非爾鞞吾何寢起視海岱吾安吾朕

余禕令箴

鄱陽余禕正德 貢士任清流知縣陞建寧府同知尋卒清流人立去思碑于東門其作令箴曰先王制爵子男同位羸秦變法縣邑是設千室其民百里其地上應天星下分王治孔門稱 路勇求藝漢室傳賢循良豈弟卓彼先覺猶或難之抑余

何人而忝職斯坐堂鳴琴盛德無為德既不足勞瘁奚辭片言折獄至明所推明既不逮詳慎是宜撫字之寔惻怛至誠赫赫洋洋得非虛聲

薛天華左戒右箴

廣東右布政使晉江薛天華作左戒曰母通要路書以務養節則俯仰不瀆母預塵紛事以務養寂則外內不擾母狗末俗態以務養高則志行不羞母受非禮餽以務養廉則彼已不出母妾結賓從以務養交則戚黨不棄而善彙集母苟出言語以務養德則靜操不爽而口過息母遂戀嗜好以務養神則和侃不伐而天氣全母厭薄遲鈍以務養量則机心不熾而真性得母訛訕世短以務養福則不忤人以見直而鬼責消母虛邀時譽

述鄭公校錄本

以務養誠則不怒己以見賢而潛德進母妬嫉雋能以養才則不設阱以誣善而有獎藉之功母欣羨汰靡以務養嗇則不競侈以蠹俗而有由禮之漸右箴曰遇暴上思以禮臨之則不可犯臨頑民思以仁悟之則不為仇御群小思以嚴遠之則不起侮統列屬思以正率之則不傷威寮友有過思隱規而公掩之則忠不失厚庶民有議思修靜而密拜之則微不悛惡受纖介之私思以欺君為懼則勤公益至叨一分之祿思以報主為心則舉職益謹怒者人所易愠思精白以任之則廷有分謗之士難者人所易避思質以狗之則朝有仗義之臣即有喜思畏義以制之則無佚寔之賞設有暴怒思觀理以忘之則無溢法之罰

易刻

伏羲氏八卦象各三畫三代因而重之為六十四卦文王命名作彖周公作爻孔子十翼說叙雜彖傳繫詞文言也宋朱元晦始定今易爻次彖象次爻文言次乾坤分上下篇終繫辭說叙雜傳 國初易刻今程子易傳朱子本義成化 奉化教諭成矩單刻本義今遵之

張孟元

安陽張孟元天順乙卯貢士終南京職方郎中孟賢還里徒行訪人不敢乘馬云城中冠帶乘馬者自廉使賈公迎憑使副使馬公卿勸乃翁乘轎曰寧步行不取人耻

張氏風範

祠廣文

述鄭公校錄本

廣文例不祠而崔後渠洹詞有威縣重修陳教諭祠記云陳子名燧莆田人成化丙午以詩來教授著講義日勵勵士師聖賢卻其束修之問凡四年遷教國子云云

十老會

弘治初夏邑有十老會叅政金醞副使楊德知縣劉恭朱鑑劉銓縣丞劉安教諭閔賢義官朱理醫官王淳 官徐銘威每會奕棋彈琴賦詩時形圖繪

夏邑縣志

女飾

弘治正德初良家恥類唱妓自劉長史更仰心髻效之漸漸因襲士大夫不能止近時治容尤勝于妓不能辨焉風俗之衰也安陽長氏風範

犒市

北邊犒貢胡茶一斤直六金布一疋直四金緞紵直三十金太僕市馬專給京軍互市馬給邊凡官市皆駑駿足必私買

總督體統

藩憲見巡撫都史有常儀自韓雍總督兩廣極威重三司官至庭跽伏謁唐珣繼之仍其禮左布政龍溪林同曰公昔為福州府守且長揖上官况方伯耶亦長揖珣不懌以事挫之不為動

雲南三天子

雲南人謂沐國公中天子撫臺東天子按臺西天子以公署相次也土人尊其土司多稱天子或呈守令云天子爺千歲爺夷習如此昔田州岑猛播州楊應龍上官輒責其帝制亦拘於漢

述鄭公校錄本

法未諳其俗也華亭包爾庚守羅定州有投牒云千歲爺杖而遣之

香稅

泰安州太山碧霞元君祠均州太和山真武祠俱官徵香稅給諸司俸涿州娘娘廟亦有稅

北新關稅

宋黃震東發志提幹趙宗英墓云淳祐九年秋予始居行都北新關稅田君穆騷人也云云觀此今杭城州北新關稅雖始成化時南宋亦有之矣

武廟賜詩

武廟南巡至鎮江幸楊一清第作七言絕句見車駕三幸錄又

王九思作刑部左侍郎咸寧張鸞墓志云戊辰三月廷試進士充讀卷官是時纂修資治通鑑成得賜又御制寫懷回文諸詩

朝儀

外吏入覲春正月 天子郊祀畢赴旬日御奉天門視朝諸司始奏事方岳守令等咸趨御橋南跪免冠俛伏待罪刑部尚書率左右侍郎上御卿街北跪讀彈文繼而科道皆有彈文各推老成一人北面跪讀大意言方岳守令等若弗能事之宜寘之法以示懲勸 天子咸口出德音特宥之以勉圖後效于是各頓首謝呼萬歲出翌日早具公服謝午門外然後吏部以黜陟上閣聞

御史出差以都察院題定命下之日必兩人並跪傳制云東邊

述鄭公校錄本

的起去蓋 國初臺班聽特主今雖題定猶徇其利外官候吏部注選考科堂吏呼曰進士官打躬舉人官不許打躬於是乙榜聞之深自色沮此例或起嘉靖間意以前科貢掾史並用何軒輕乃爾又吏部直房有坐杌止坐甲榜如乙榜群集一甲榜至並起避不且班後呵之矣

行人司藏書

翰林院國子監雖藏書俱不及行人司以行人出使例攜携書歸各輸公署

薩琦變俗

閩縣侍郎薩琦廷圭上世色目人至侍郎喪墓遵朱公禮變其俗

觀場儒士

嘉隆前學使臨場大考諸生又大考儒士錄之入闈不售得附學其不願者棄去故人稱觀場儒士萬曆猶大考儒士然鮮中棄者後大考儒士絕矣

古醋

延平府城東北報國寺五代唐時建初開山僧嘗留醋一缶經數百年色味不變

酒

桑落酒秦人訛桑為喪改稱秦酒徐宗伯學謨曰予憶十五年前京師貴人席最珍喪落酒當是時已多避忌亦未聞避桑作何稱者而今秦酒之名為備者誰哉痛乎人情益習軟媚世江

述鄭益校錄本

河日下矣且桑落酒名極雅本無所觸犯而且易之又何有于他事哉可發一噱

海隅集

瓊州人醞酒不用麴蘖有木曰嚴樹搗其皮葉浸以清水以粳釀和之或取石榴葉花和釀醞之數日成酒能醉人

杜進

嘉靖初臨穎杜進任九江通判于三年夏四月朔見兩頭蛇不殺曰脩短豈彼尸之哉越十四日疾卒見崔後渠墓志中

陳紫峰論學

晉江陳紫峰先生琛字思獻蔡文莊高弟也官南京吏部考功郎中歸養母起歷貴州江西提學僉事並不赴四方從學甚衆其言曰道一也無高深大小微顯遠近精粗常變同異自吾人

所見則有高深大小顯微遠近精粗常變之殊此所以有難知
易知有可以語有不可以語苟能一日豁然則剛風上搏不為
高南極下入不為深茫茫載地不為大涓涓穿石不為小鬼神
屈伸往來不為微草木榮悴開落不為顯經濟乎四海九州不
為遠致慎乎闔門衽席不為近聖賢制禮作樂之本不為精童
子洒掃應對之節不為粗周公誅兇不為不弟石蜡殺子不為
不慈大禹之家傳不為德衰于堯舜湯武之放伐不為得罪于
夷齊陸山之主靜不為枯寂朱晦翁之分析不為破碎周濂溪
專授太極于二程不為私學二程不授太極于諸子不為各教
蓋太極渾然事事物物無不各具吾人耳目所見有常有不常
心思所測有得有不得此高深大小微顯遠近常變異同所繇

述鄭公校錄本

分而學者之進入不容無難易教者之指引不容無差等也

陳祠仆像

丹陽宋陳少陽先生祠東鉄鑄汪伯彥黃潛善赤體跽庭下長
可三四尺泥苔滅膝推不可動嘉靖戊戌南安鄭普以無錫令
為南京部郎舟泊祠下登堂瞻拜畢守祠者出紙筆求聯句普
普題云一片忠肝千古綱常可託荒庭虜膝平生富貴何為二
像應筆而仆頭抵頑石石為斷時張黃門選黃二字希雍在焉
咸駭異之

劣考稱師

洪侍郎朝選督學四川寘大寧譚啟劣等啟登嘉靖壬戌進士
知晉江縣至則修弟子禮甚恭後巡撫勞堪執朝選按察司獄

啟時正為副使歎曰吾師被搆吾不能救而尚仕哉即解組歸
相國父不祀鄉賢

晉江王遵嚴先生作同安楊憲副逢春墓志銘云在崑山邑有
故相嘗欲奉其父祀于賢鄉祠邑子論有異同君持之故相滋
滋不悅按故相則碩文康鼎臣也位極鼎軸鄉議難徇今半綸
崛起輒靡然趨之萬曆中錢塘机戶傳時冒錦衣百戶其先人
某祀鄉賢時敗追奪崇禎中吾寧吳宗彥先以布衣納貲武英
殿中書舍人其大父璧故贈御史亦祀鄉賢中彥敗追奪二贈
君雖未叢垢然瞽宗之祭政自宜慎

方太古

王陽明先生過錢塘山人蘭溪方太古享之脫粟流藪明日陽

述鄭益校錄本

明報如山人方曰野人為野人固當公徹候而野具得毋非情
耶陽明為笑謝

胡僖神助

蘭溪胡副使僖性惡殺生嘉靖 省試寓潘氏園群蟻數十萬
聚于室童子欲火之胡不忍徙于他所暨入棘三書義至乙夜
而就燈戢之筆端不可逐久之始別構四經義思忽空涌如泉
注螳亦絕不見遂高薦主司謂公四經義殆神助也

詹傑

休寧詹傑松山年八十二屬末疾晨有黃冠叩門曰吾欲游白
岳願一見而翁傑見之則曰吾有藥可以益子七齡而子未能
服也命取盂水置案出瓢中藥末少許內之水忽涌熱凡百餘

沸而藥自團為二如梧桐子顆搏之堅于石復盃之曰扁家廟
七日而發也贈以一緡錢二襲衣不受出中門忽不見滿七日
啟扃則異香襲鼻水半耗矣將服之疑其非常復扃之後十餘
日疾大發更啟葉失矣

季宗道

常熟西門內虞山言子游墓或云嘉靖時明府季宗道瘞鶴以
子游土人不可無杯土故飾之

言子游壻申詳同子游子 仕衛 以上俱許子治說

藏金變石

諸暨駱增鋤山中得大鏹可五十金鐫有字方晨卧見四人奔
語曰非爾物也問所歸曰汝兄物也時兄對寢急呼授之兄亦

述鄭益校錄本

枕卧明晨兄弟謀禳于神視金色漸變如石其字如蘚以示市
人猶大鏹也

三過鄖陽

泰州徐蕃孫女適沈良才徐沈並鄖陽巡撫從大父從父從夫
凡三至鄖陽父嵩湖江按察副使都御史

王思民棄妖書

雲南臨安王得民買屋城外庭鑿魚池三尺許起石版有小方
塘四周執甃一小几几上燈一書小冊開視兵書也未載採戰
引魂二方得民試之殊效其引魂方于婦人則呪一物與食其
婦夜即至于女子則得其生時呪之無不驗其弟諸生思民借
閱溺之恩民戊辰進士位中丞人謂棄此書之功也

盛端明同鄰

廣東揭陽盛尚書端明起宅鄰人質成辭曰吾先世舊鄰一旦舍我去何所稱兄弟乎

曾氏譜

嘉靖初山東曾氏合譜江西過杭州宿仁和嚴氏疾卒嚴氏得其譜改冒曾今立先賢曾子祠

慶成王百子悞

晉府慶成王鍾鎰子四十四長子竒湏襲封外一早夭二廢庶人餘四十人封鎮國將軍女四十九人孫百六十三人曾孫五百十人見玉牒王元美皇明盛事述云慶成王百子悞也鍾鎰鎰溫穆獻徵錄悞端順王竒湏

述鄭公校錄本

張太宰遜弟

仁和張元洲潮其弟濂先發解登第嘗赴人席時輩群向濂揖元洲笑曰舍弟年長又元州婦初怒其以斥場屋未免室誦元洲走靈隱寺僧舍倦卧一榻時僧新沒方接煞無費故其徒暫出而元洲不知也須臾鬼入視非此人乃張天官耳

故宦優免

華亭顧文僖宗伯漬曰鄉先輩任公勉之沒未墓里長編其子弘為養馬夫教授張公以白太守上虞葉公冕葉大書榜于門曰今後均徭故宦子孫一例優免

嚴世蕃養子

嚴世蕃分宜相嵩之螟蛉子見趙時春作王與齡行狀

總兵桂知縣

嘉靖丁酉梁震為陝西總兵之平涼迎劉都督知縣王誦素廉能謂惟長揖震篋之二十學諸生閔與震辨震縱僮搏之各毀髮敗面

平涼府志

駱文盛

嘉靖辛丑編修武康駱文盛分考禮闈其從兄孝廉錦以屢困公車欲編修免入庶得應試編修不聽錦引避志甚尋卒于家勉其子力學安知後人不詞林也錦孫從字萬曆乙未進士歷南京禮部尚書

張烈

華亭張烈官都水主事微時作三字銘不能詐寧守之以直惟

述鄭公校錄本

其然故無悖于德不能諂寧守之以貞惟其然故無傷于誠不能貪寧守之以廉惟其然故無愧于天

寶日堂

張二郎辭官賞

上海張二郎勇慧善泗水嘉靖末太守方廉募之偵倭斬級賞銀寄庫支酒食事平錄功世百戶賜守妓並辭不受行乞宿兵廟廉後撫吳召予庫金仍辭以乞終

上海縣志

金傑棄官

嘉靖戊午江寧令蘭溪金傑由貢生性恬淡持正不事鞭朴裁省供億致忤上官任半載一夕謁上官授吏以印竟去不知所適家人號泣倉皇而歸後聞隱九華山學仙

江寧縣志

張承

安陽張承伊嗣教諭南宮善詩與盧柚謝榛善所著石湖集枊
嘗題四溟書舍云石湖詩如蒼山老人奇手峻骨四溟詩如金
閨冶婦雜繒錯錦張承曰丁巳余教諭魏縣盧仲木寫詩余告
以詞畫俱弱戊午與謝子獻寫詩予訝其詞畫更弱嗚呼豈知
二兆為死之兆前言為仲木之絕筆也哉

孫思聰

嘉靖四十五年春甘露降項城縣典史孫思聰宅槐樹甘香異
常未幾思聰卒于官

東洋行縣

福建東洋行縣在寧德縣十五都嘉靖辛酉倭難作東洋民乘

述鄭公校錄本

亂恣掠以其地僻民頑設一縣縣令林時芳申建行縣于周墩
分主簿一員駐札其處賦稅就其徵收

朝鮮慕王元美汪伯玉

朝鮮史吏曹叅判尹根壽子固同子進士昭至京云小邦極慕
王元美汪伯玉集即童子皆能授讀隨有詩懷兩先生云大海
雄文迴紫瀾齊盟狎主有新安平山空抱投鞭願悵望南雲不
可攀

十友

武康編脩駱文盛兩溪書款山寺十友蒼髯翁松抱節君竹水

雪主人梅晚香居士菊懷素子水碧菜道人菖蒲秋江逸客

木芙蓉梧月露主人桐幽芳處士蘭雲華仙蓮嘉善錢寒菴相

國士升傳十友茶醒友鷗閑友雪潔友菊貞友石介友松高友
蘭芳友香清友竹策友其一蓮花淨友蒲團禪友塵尾談友柱
杖老友青氈舊友紙帳夢友孤鴻遠友落日西友寒蛩吟友楓
葉紅友其二

田千秋墓像

蒲州田千秋好學善擊劍嘗鑄銅像鐫己名氏墓之語人曰使
千百年以後人得之即神仙也

海鹽烟火

海鹽人善製庭燎元夕特盛吾縣硤石西山廣福寺有宋碑勒
名曰監海鹽縣澈浦鎮蕪烟火公事某夫庭燎細事耳見於帶
銜亦見前代綜覈處

述鄭公校錄本

汀人善舟

汀舟人九龍灘險激舟人世居灘上習水性也精其業舟人入
灘例倩最能者為護護一舟下反護其次者世業亦數姓又僅
數人誓不外傳也

販海

閩粵人頗販海今延及浙直自太倉崇明出洋載淡水人日給
日甌泊島亦可汲或未易泊抵日本對馬島或早弥島將至舟
聲三炮島人出逐登貨于即主延款一日聽島主定直華人多
雜居者亦好花木書籍

王希周自刻

嘉靖辛酉和平知縣閩縣王希周蒞事三月有東壩張德傑所

寓人已行通判王佳以縱盜迫德傑死日以東壩人藪盜欲屠之希周不聽夜勒開門發兵希周度不能止拔劍自刎佳乃止

吳承恩報仇

吳江吳邦棟大司寇詎菴公山之幼子以諸兄聯第意營秋試為怨家所訐少年惶急飲酖死邦棟仲子承恩壯而憤其事誓必報陰結力人其刺殺之人無知者數年後力人以婦詬婦呼曰爾不嘗以吳王孫殺某氏乎隣人訟于官承恩下獄論後得釋雖事不以正其志足矜也

汪在前

歙縣汪在前父炎丞平湖忤太守徐下之獄在前以諸生視橐饘日伏謁求解不為禮是年丁卯在前舉南國戊辰成進士

述鄭益校錄本

任嘉興司理其去橐饘時未隔歲也太守郊迎素好貨至是斂絮士民傳誦為一時之奇士固不易皮相哉徐敗官去在前遷南京刑部主事而止蓋兩相構云

丁賓

嘉靖丁清惠賓嘉靖甲子鄉試隆慶辛未進士名稍後鄉同年支大綸先登第性矜倨至丁所見進士扁曰四十名外不成進士荅曰尚有下第諸公筮令句容父戒之曰汝此行紗帽人說好我不信吏中說好我益不信即青矜說好亦不信惟瓜皮帽子說好我乃信耳治句容六年入覲謁江陵師相於朝房師相曰聞吏績甚著荅曰更三年尤好師相曰迂濶吏部因不考選江陵見單曰句容不當遺選御史

錢若賡

鄞縣錢若賡太守初鄉舉家人烹鷄失其首及聯捷烹鷄立候又失之時以為異自臨江守下獄論死家人召筭判曰若要出待天突果天啟初釋

梁邦瑞

駙馬都尉梁邦瑞尚 穆宗永寧安公主素患衄血選時潛然血下司禮馮保受賄禮部尚書徐學謨阿其意俾病夫進選陷公主孀居見通政司右叅議梁子琦疏中

丘楫遣子婦

隆慶辛未進士諸城丘侍郎楫之子早夭嫁其婦華亭陸給事樹德問及駭之侍郎曰噫柏舟之咏錄于聖人 清之臺築於

述鄭公校錄本

天子此光岳間氣可概望之人人乎

高儀尊師

錢塘高儀文端相國父業染兒時戲汚染籍手錄不遺吾寧朱舜臣適見之勗以力學因受業焉踰冠巍科終身師事甚謹有蒼頭至朱氏稍恣時舜臣教諭金壇卒矣文端方大宗伯遺書教諭子痛自刺責

陸樹聲

華亭陸平泉先生以侍郎予告南還值孝廉舟競前其僮曰我相公官不止此陸徐呼其僮入舟諭曰相公他日不為我官但我前日曾經為相公

江陵票簿

萬曆初江陵張文忠票簿歲積餘寸許旨極簡切嘉善錢塞蒼
史官時特彙錄之後入相頗得其力

劉臺

臨川湯頭祖甲申見迤北驛寺詩多感故侍御劉臺附題其後
江陸罷事侍郎出冠蓋悲傷并一時為問遼陽嚴謹日幾人曾
作送行詩

湯頭祖

湯義仍舉隆慶庚午鄉試以文著鄉人羨 宰宣城萬曆而子
義仍過訪宿 寺識梅鼎祚禹金得交沈孝廉懋學嘗同課寺
中有楚客角巾葛衣通候問里民曰江陵張某今相國父行也
疑之然不敢忤留飲且贐為客辭曰二孝廉入京相國期一晤

述鄭公校錄本

意頗懇切至期並寓燕前客果來勸謁相國各未決客曰第訪
我相國自屏後覘之耳沈獨往而退客又至語沈曰相國善足
下文謂福薄耳招義仍終不往尋沈雋南宮對策進士第一義
仍下第然深服江陵之知人能下士為語常熟許子洽云

禁殺牛

萬曆初巡城御史楊四知禁殺牛榜宣武門外多回夷世業萬
眾鼓噪總憲急令收榜乃定夫禁殺牛未為非也群習難改故
善治者貴因勢而利導毋拂眾以就功 又彬州瑤人雖竊一
鷄必抵命嘉靖末某官欲改行漢法瑤人立表倡變太守南安
陳學伊檄仍其俗乃靖

申其學

日照申其學由明經令睢寧呈開府李世達築城未得決亡何
開府經其縣城且半就驚其何自對曰不費官亦不煩官開府
詰之曰令來時邑故多沮洳芟稿也而務閒無事與廝徒飽食
坐卧令惜日課之樵久之菱芟稿山積無所用用之陶得甃以
巨萬計度為城有餘獨少灰與工食令賣菱及甃就矣開府太
息助米千石再過之樓櫓具備事在萬曆癸未

王國光

萬曆壬辰前太子太保吏部尚書陽城王國光里居有娶婦李
氏或勸國光娶之未行時國光年高亦不介意會有他故氏自
刎陽城令 故噉國光謂其偏脅死寔非也巡按喬璧星疏
聞削國光籍所樹石坊俱糊名下敢露北人遵令如此南人雖

述鄭世校錄本

削籍門額坊表如故也錢塘太常少卿陳三謨以江陵黨削籍
又坐殺人罪城旦其賜一品服坊則吏科都給事中時也至今
存

姚弘謨迎事生母

秀水姚少宰弘謨繼文嘉靖癸丑進士父訓道 卒官母更適
依祖母劉氏至成立登第後迎母歸養克盡孝道人方之范希
文

元輔家幹

張居正奴游守禮

申時行奴宋九原京衛經歷不曾任一日即貶封

海瑞

海忠介巡撫江南華亭徐文貞階家居子僕積橫訟牒山積謀于珥筆並不稱意崑山某年十九最後至見各案俱不視第曰揚湯止沸不如釜底抽薪文貞聞而善之詢其策對曰相公柄國久願假尺一之書走長安故人足矣勿與此曹子角勝也即如其言致書馮保又賄給事嘉興戴鳳翔等劾罷中丞徐氏之訟息操縵既熟其後凡異彼者俱以孔方撓之烏程董氏亦然

周天球

長洲周公瑕先生師事文太史徵明設像中堂歲祀之萬曆乙未九月卒年八十二無子

卽虎菴

錢塘卽山人 虎菴善吟繪讀書山中有隱操郡丞新建喻

述鄭益校錄本

楓谷均均欲見之不得怒奪其山虞淳熙詩老作閒民不負租不濠不澗路應迂叩門震騎傳呼急一片紅塵山已無按楓谷核聲藝苑傾慕緇衣而事同伐木所以鑿環踰垣之寥寥也

續吳都文萃

宋季洞庭山鄭虎臣選吳都文萃積四袞虎臣即殺賈似道者萬曆時吳郡錢穀續吳都文萃凡二十袞未付梓今佚不存

吳稼澄

孝豐吳稼澄翁晉父維霞巡撫貴州世稱詩嘗訪仁和沈工部伯含朝煥有解帶對山人之句嘆之因謁選授南京光祿寺典簿遷雲南州判官晚號玄蓋山人易簣日命服山人之服如故官非其志也

嚴訥

常熟嚴文靖相國家居有老儒侯之調相國曰先生自視與孔子何如相國駭遜老儒曰非謂道德也第論名位相國曰宣尼僅魯司寇僕忝冒多矣老儒又曰老先生何如周公相國蓋益駭遜老儒曰周公當初造又值流言不如老先生作太平宰相曰老先生何如伏羲氏相國駭不能答老儒曰今日某卜祈伏羲氏聞相國召舍之而來直過之矣相國大笑

楊春元

駙馬都尉楊春元固安人尚榮昌長公主極有家範貴而能孝富而能禮每召客親視鼎俎子光夔錦衣衛帶俸在都督光輦光旦俱錦衣都指揮使並讀書守禮有父風父卒于京哀毀不

述鄭校錄本

勝扶櫬歸墓徒步百餘里廬墓母喪七日不食衣不解帶者三月竟羸瘠而亡

王述古笏記

禹州王述古萬曆己丑進士官刑部員外郎作笏記示歸德沈相國鯉欲於祝壽日對伏宣讀以免礦稅然後起歸德不可令述古作奏自上述古難之鄆縣相國沈一貫改作揭進不報

陸平泉論風俗

棠邑許繩齋維新侍郎前守松江問風俗於陸宗伯平泉宗伯曰無風俗許訐之宗伯曰公倡于上為風吾儕效于下為俗天下豈有風俗

柳州象裔

萬曆初貴池蔡清守柳州古有鼻塋處林木蕭蔚犯即見崇守
歲祭問之土人云某姓為象夫人之後衣冠未替侑祀祇後役
稱姑祖陵數千年荒裔猶叨外戚

耿楚侗馮慕岡講學

或問耿楚侗先生定向以天命之性先生方欲擬解其人曰意
公自言其性耳先生為之憫然馮慕岡先生維京會友于白下
凝然相對或曰馮公何無講座下曰此人渾身是講

林兆恩

蒲田林兆恩以艮背之法教人療病從者雲集博極群書著三
教會編若干卷老得心疾顛狂逾年乃死今金陵有祠二蓋其
徒崇奉之也 兆恩嘗師作小仙

述鄭公校錄本

祝世祿

江右祝世祿無功解褐當塗令有馬指揮家墻壞見窖金甚富
相傳故宋賈似道遺園也窖衡三丈長 十丈深若干事聞于
官丞尉等爭往無功獨不至後按臺侈其事上之朝知無功不
往因薦及

談遷曰吾因祝無功事而有感于近日也崇禎壬午冬有賈舶
私販日本携人參直十萬金登吾寧海岸將赴嘉興土人利之
告邑令劉憲模往捕之盡收其橐囚私販者數人不以聞上官
賈人訴各臺憲模報數先後多寡不一又分參覬上官如司理
宋璜即百二十斤寔不能半而初時捕役乾沒者不與焉其賈
多晉人陽城張蕝山先生時以大司農改總憲或求先生東浙

撫董象恒為諸賈地先生不可曰利至十萬金勢必上聞無益也吾不敢預點墨已而撫按果奏上憲模免官前予在坐親聆之先生敬服其遠見政與祝無功事同

朱中丞悞奏反詩

朱鴻模開府吳中時閔白多警太倉王士驥等群習弓矢或訐其反搜捕手札君寔有心追季布蓬門無計作朱家為左據鴻謨奏上事下兵部兵部

伍袁萃告尚書石星曰此

拜月亭傳奇中語何得作反案出坊本示之尚書釋然

馮少墟會約

萬曆丁酉十二月長安馮少墟先生閔中會約云冠婚喪祭當以會典家禮為主至于冠禮久已不行尤望諸公亟倡之士大

述鄭益校錄本

夫于每年正月六日各携餅果四器酒一尊同至公所拜一拜再二拜以見相荅已會申散有年高步履不便者公除餅果四器酒一尊送至其家非不得已事不可不到一彼此往正用單帖後輩於前輩用折柬前輩用單柬荅後輩途過前輩下車立道左候過方登車一彼此往拜務相見不可概以不在辭如談久隨便出一餅一果不必設卓一彼此稱呼或字或號不必稱翁惟後輩於前輩仍稱翁耳

梅衡湘論友

公安袁小脩中道客長安以學道未契汲汲求友麻城梅中丞衡湘國楨寄書曰貫城之旁有日中之市為雖無奇瑰異物而抱所欲者各恣取以去求友亦若是耳公欲於此處求友顯靈

宮古柏婆婆委地作虬龍形東便門外奈子花如錦幄可容二十餘人晉陽菴中有唐鑄觀世音相沙寓水葛道士毳順城門守門老中官射亦不佞數十年內所得友也公倘欲之便以相贈也

朱氏世祝主司

蘄水朱康侯 進士大父方伯 嘉靖壬子鄉舉房考

徐州學正全州李 總裁衡州知府德清蔡汝楠監臨御史

績溪胡 癸丑成進士房考吏部主事泰和楊

士華亭徐階待講學士高安敖 康侯兄知府長期嘉靖甲子

鄉舉房考承天推官絳州孫 總裁憲副汲縣潘 監臨御史

長垣徐 萬曆甲戌成進士房考兵部主事崑山陳 主考大

述鄭坐校錄本

學士全州呂調陽侍講學士尚昌王 從兄 萬曆壬子鄉舉

房考武昌推官長洲褚 總裁按察僉事上海王 監臨御史

常熟錢岱康侯舉萬曆己酉房考行人蘄水郭 主考左諭德

龍溪蔣 右諭德河津趙 庚戌成進士房考洗馬渭南南

主考侍講學士宣化蕭雲舉侍郎王圖並世祀於家

趙御史論囚

萬曆壬辰進士趙蓋菴 以庶常改御史嘗論囚有禁卒以獄逸代死先一日獲囚刑部不及聞御史臨決問同年李騰芳云何李曰當疏明其事侯旨庶不枉不欺竟阻于同事殺禁卒亡何御史死

郭達

密縣郭達伯羽萬曆丙子貢士歷官真定同知幼聘姚氏偶失
明議退婚達指天誓曰我不娶彼何歸遂完娶生子六

蕭如薰杜文煥

萬曆時蕭如薰杜文煥並西陲名將並能詩有集行世聊紀其
一

新秋呈霽色寒草正丰茸杞樹珊瑚果蘭山翡翠峯出郊分虎
旅乘障息狼烽坐乏舒籌策天威下九重

蕭如薰秋征

朔方才喜淨胡塵又見邊聲急震隣雜虜橫行如火裂諸軍堅
壁似雲屯纓冠義切寧違命蹈刃心雄止受身獨捷三師先陷
陣保全疆場報楓宸

杜文煥定西捷詩

盜俠

述鄭公校錄本

沁水竇生以父尉遷安往候遂還出天津值盜剖篋見殘簡薄
之生曰遷安尉安能厚耶今且何以歸也盜感悟引還家貽百
二十金贈小黃幟令道警出示之自是畏塗示幟彼悍少曰自
大兄所來乎生得還里其兄遊河南語此事於逆旅老人老人
曰後輩草草何足道因叩之老人曰少作此伎倆今髮種種矣
無足問也隨謂客能射乎客引強弓面且赤老人拓弓如輕綿
射飛鳥命中客駭服老人曰平平耳更截柳椹各二尺置樹端
發鏹矢必中裂又立木寸餘矢捍木平過又不仆老人投弓而
嘆休矣日薄西山可奈何客今後如道警第述某名氏猶及免
也

曇陽子

王文肅家幹曰五曰七通敏敢任並致厚貲文肅女字徐少叅
廷裸子未行子夭時王家有白狐出沒作度語雲篆或靜室枯
坐諸真駢降非無因也文肅迂而神之侈言其事聞于 兩宮
俄而狐隱不復出靈響遂絕母朱夫人計窮而王七之塾為紹
興 某生密捐千金以女歸之 某歸後單門遂侈其橐且女容止
不凡隣人挑之不可或脅以無端女吐寔曰我太倉王相國女
也聞于朱夫人相國族父孝廉號 兼吾其人強忍自任朱夫
人即召其女置孝廉家而通書相國亡何相國報命第聞孝廉
室內泣聲俄寂如也又累月紹興 某生來同至者五人亦延款
亡何並不見其出則孝廉意也王元美作墨陽太師傳倣唐人
南岳魏夫人傳四明樓熄指其妾郵縣屠儀部隆上城隍神詛

述鄭公校錄本

之後曇陽子祠位雷擊毀

王世貞

王元美先生每夙興燭下盥柳輒閱諸行狀隨艸一志傳又成一
詩出報謁肩輿頗殿旁列書供覽所坐書室設大缶四隨事
札記分投之經月一理夜客四人嘗侍飲有某別號怛怩嘗投
簪求題云伎所贈者先生即曰鬱陶思君爾其捷趣類此

王同伯

士驥

先生之長子也先生與王文肅非同宗特契洽嘗

共讀恬淡觀中兩家子弟比於雁行萬曆壬午同伯解額第一
成進士文肅子辰王 衡 嘗過之值其內櫛不即出意不快會

選庶常文肅當國謂瑯琊素不以詞林重同伯遂不預雖文肅
無所私寔辰王意也故同伯怨望及文肅還里伺其起居輒示

東林諸公絀于群口矣

司汝霖

巡撫福建右副都御史江陵司汝霖本汶上張林子數歲失母江陵司鐘督運過汶上與林善乞為子年二十二登隆慶戊辰進士歷文選郎中太常卿鐘再受封後復姓改名汝濟卒年五十三遺書曰開府非卑僚半百亦長世惟生我之劬勞吾慚負于天地

文在茲

萬曆 陝西初場督學 閱諸生試卷揭何圖龍第一文在茲呈七義謂文宗誤矣必我也者非龍圖也督學深然之果在茲第一乙榜首龍圖次舉龍圖又第一

述鄭公校錄本

無賴妄奏

萬曆 丹徒張昱奏其叔占收第一祖宋高宗騎馬培賜物又第二祖蔡京丞相女奩物并發吳慶封渙子冢寶物萬萬湯頭祖若士詩天帝恢諧一字聞宣和遺事莫紛紛獨憐千載推埋客不到延陵季子墳按金史宣宗興定三年十月癸未平陽判官完顏阿剌左箱訛察霍定和發宋蔡京故居得二百萬有奇准格遷賞穢相封殖祇供後人官帑又供後人註墨何不將六州鉄鑄其身于銅山金穴問耶

有司重聽

嘉興推官 段鏌重聽巡臺嘗問幾令郎曰外郎二十四人滿堂笑之 無錫知縣 謁學使學使曰監臺與貴縣有說答曰

已喻明日進硯問其故悞監臺為硯臺與貴也尋免官
雙乳

嘉善錢士晉守大名有諸生兄弟四人貌各相似問之同乳二
人生正月二人生臘月俱歲內記其髮偏全

徐大相論魯綬

萬曆 吏部郎徐大相先以國子助教論稅監魯綬不報綬內
懼進珪異若干列几上 上欲受之適中宮至問曰國子先生
論人當不差奈何受之 上即麾出中宮去旋受之

許會元稿

同安許獬子遜辛丑南宮第一先是下第南還道匱桐鄉祈
昆陽值之贖五金子遜貽制義三十首內食不厭精全稿祈應

述鄭公校錄本

試錄之拔高等食廩又易義售姑蘇酒家六韻後冠禮闈梓人
購得之

梅花詩百首

屠儀部隆長慶求友人侍兒令即席贈梅花詩百首長卿授筆
立成因歸之

長卿佻達不羈先因宋西寧家狎飲罷官嘗游西湖泊舟西陵
橋詞客滿座語及前事忽曰宋夫人真絕色也眾為之匿笑又
曰吾一夜可度男女十人歛縣吳德符充時在座為予言之

趙文懿墓銘

崑山顧天峻開雍志蘭溪趙相國志阜墓簡峭嚴潔大有古法
不似諛墓之習銘曰公初激昂時宜勇也公晚委蛇道宜漸也

公學至偉巍科猶細也公用未究久相猶促也生焉顯榮沒永寧也

張九德

萬曆己酉松江守張九德同知楊勳俱寧波人張守嘗出群治門見治前大書一酉字畢滿一場賊而返揚問其故以實荅並不解其故後四十年乙酉松江陷

虎入城

萬曆丙辰七月晦虎入城入杭州錢塘門旦逐之踰城出不能獲湯鄰初先生煥曰虎反爪為虺主酷吏肆威

偶然詠

韓求仲太史敬嘗入內問妾今日何衣緋曰偶然何更換一書

述鄭公校錄本

曰偶然兩言可念姚叔祥士舜遂賦一絕袖裡紅綃裹一編偶然應荅語新鮮若教更問即何似嫁得即來亦偶然

冥衣

嘉興通判某北人也嘗過市見紙神等問之曰冥衣也心怪之邑邑成疾傳隸卒取冥衣來隸卒以呼名醫也召劉巽峰通判曰焚了時以為笑

榜豐縣

孝豐縣令其諱孝宗每榜示曰豐縣又福建龍巖縣北四十里孝山縣官始至則祭之謂孝凶名或莫乃入知縣黃廷圭改曰壽山自是不祭而皆亡恙

馮李詩人

萬曆間樵李詩人頗盛姚叔祥起傭書丘遂本天寧寺僧空梵也逐于岳氏走補嘉善諸生仍被斥以詩游薦紳間陳無功本龔郡守勉侍吏積資官泉州府經歷沈藻明德本吳氏舍人並能詩不諱其所出明德家設思主思我吳公之神位每遇人輒自稱名殷東舉 本村農車水手一綿紙書陳眉公過問則後漢書也因勉之成名

早稱

府衛州縣佐貳首領官見通判以上皆稱老爺與奴僕亡異萬曆間濟南歲貢生王之翰選 主簿見上官一呼老爺遽感心疾見人輒曰孝子慈孫百世不能改也竟死趙州選貢宋弘業選 州同知上疏求與州縣正官俱稱上官為大人奉旨下

述鄭公校錄本

部准通行弘業見巡撫遂稱老大人巡撫怒而笞之十五憤恚病死見冢宰趙南星疏中

許令典

邑人許太守同生 令典 萬曆丁未進士嘗徙官淮安教授壬子分考四川畢出游見 都人婚車餘從白衣冠問其故曰孔明卒時蜀人俱服素遠者遂以為俗不之更也曰孔明孝

太守往廟灣周氏適新進士盛服縱擠許膝下從者指為太守也許叱曰此處安得有太守或問其故曰我不代伊父母教他

陳心得

萬曆己未冬十一月崇德知縣陳心得廨舍失火延焚軍器庫傷於火藥卒今立祠

臂紋

水陳居一太史萬言嘗久伸左臂隱隱有文旋膚理若動出文中起寸許長過之乃玉筋篆一進字即以朱塗其文用楮印倒篆教紙鈎畫宛然晡而稍平見太史自記

印綬放花

鄞縣董侍郎光宏筮仕 退食案上印綬忽開放如清蓮花良久始合尋右遷凡三放花至侍郎

趙南星

趙儕鶴太宰以葉相國孫 上書言事對人曰葉臺山有孫魏見泉無免時魏廣微來訪辭之魏曰我即人可輕家亦可輕乎亡何魏因失廟祀見攻

述鄭公校錄本

魏廣微

魏廣微父允貞以清直名廣微雖世學經術踈畧同烏程朱文肅貞在閣河南上玉璽擬聖諭一道各具草魏云人君得天下易得玉璽難文肅諷其改魏曰某得意在此末年媚璫之旨駢四儂六多元城平湖二公筆 黃立極施鳳來

陳長祚

長樂陳尚長祚以葉相國之師致八座相國解印或規其引退陳曰雖年迫懸車而少子求廕叙欲少尉之辟如驢馬非不願息無奈人鞞其後耳

汪文言

歙縣汪文言以侍兒事縣令施天峻見幸充庫吏蝕帑事敗逃

入京久之夤時太監王安安時直東宮因善中書舍人嘉善魏大中修附羽翼自云本武生大中轉掖垣於諸公前說為異人密託訪隨委隨應蓋上交冠蓋下結胥吏故於投合益巧而借換正類感慨以發舒其意車馬如市苞苴日進轉應大中書善傳檄大中劾檄而吏科都給事中闕原許阮大鍼同縣左光斗恐其反覆仍計出之改用大中各致隙

括銅

天啟初太僕寺少卿徐卿伯括南都廢銅四十七萬餘斤輸北京二十九萬八千餘斤留鑄錢俱大內各宮銅窰銅溝等物

黃尊素

餘姚黃御史白菴微時有友人丞某懸館致之夕嘗酣飲令君

述鄭益校錄本

曹谷聞之問于丞丞言其寔命戒之後勿復爾黃酣歌自如丞去聯捷已曹進御史黨逆魏敗名

銀錢分定

建德鉄工某欲往池州過七井山其上曠寂忽見白金無萬數作四堆某熟視駭異叩首曰雖神既如隻力何且迫暮先袖二鏹行十餘里宿村舍告之約共取晨往俱壘土也袖金入池州尋罄矣

嘉興李同知芳家梅溪里貲甲邑中偶問外遺一錢者類穢物心疑之俄行者拾去遣問則一惡錢也同知嘆以我之富一惡錢亦不可妄得另易之以示後人

天啟初海監橫山張氏蒼頭楊隨龍春日鋤麥坎瘞金若干俱

刊揚隨龍名其主徵之不應被榜白經訟及主人大挫其產亦累死以阿堵物主僕俱斃故知管寧揷鋤不顧者有以也

佞佛殊報

硤石鎮屠者 渡海禮普陀落伽山同舟客某雖積虔以眩疾不輟葷累數卜于神不許浸尋六旬決志元旦卜之利至是登舟謂風俗脩脯少許俄觸風長年徧詰諸客其人無以應奈何以我故貽患諸君乎但乞登岸從之時抵暮荒山榛莽分必死良久見山上有燈意人跡穷其所往值途人告之故途人謂我舟便挈抵普陀迅帆乘風味爽告泊禮佛下山而前舟方至賊問其繇則積虔所祐也屠者能記客姓名
天啟丙寅太倉王氏航普陀且至風覆之盡溺

述鄭坐校錄本

崇禎

正月大風雪寒甚斷舟香客或飢凍死

丁丑 月杭州天竺山香舍夜火吾縣斜橋 氏旅宿以鑰其門焚死

名刺

詞林以兩雍為外任祭酒通刺司業稱寅弟還詞林不復稱寅給事謁內閣投刺晚學生答稱知生御史通職名荅稱友生萬曆末葉向高入相並荅知生崇禎末左都御史李邦華奏改御史投刺如給事蓋聞之黃澍云奉旨不知果否

平湖趙無聲

先生維稟

待教辨曰世俗士大夫投刺書名但繫

京秩即止稱侍不用教字於是有以銅臭挂名京御銜而目不識一丁者公然效尤以豪于鄉里則曰京官體應如是予謂不

然侍以分言臣于君則侍子孫于祖父伯叔則侍子弟于師則侍其在交游惟于達尊稱侍則可平等交何侍為若教則無往不可自聖賢以及芻蕘工瞽苟有一言合道一事可法雖王公大人亦將折節請益而以區區腐鼠遂謂天下無可受教見解抑何陋也此例想起于隆萬間吾宗約之兄云鄭淡泉先生官銓部時通刺吾相稱侍教生不稱眷以非至戚也先生去今未遠要見爾時古道尚存今同省皆稱眷眷未足又益以通家而獨新一教字蓋驕浮日熾古道蕩然矣此不當責之諸銅臭咎在吾黨志復古者請違衆獨特之何如

通家子記

萬曆乙亥留都部曹諸人極一時盛且修先輩故事易子而課

述鄭公校錄本

旬為一會各因所至考其最殿而摩厲之禮部蒲州馮竹坪公子撫謙年十六勞謙纔七歲兵部則興業何鉄橋公子右雍獲鹿曹嗣山子應徵應名名年十四徵年十二而雍及召于勞謙同歲河源李斗野子樹楨年十歲武進史禹門子志實少樹二年而吏部涇陽雒涇坡孫猷瑞亦七歲矣又狀元俞邦揆年十八羽林前衛李承忠年十七蓋諸公教諸子館客之子也

駱問禮萬一樓集

書法

邯鄲淳曹娥碑真蹟今在太倉王文肅家包長明說陳叔度與曹能始論書曰有友工書但未絕俗奈何曰筆未耘耳耘則不俗

嘉興助教李曙巖原中曰凡人書法濃筆多夭淡筆多壽

茅筆

陳白沙先生自製筆作大小書傳于世人莫能效之

產異

萬曆丁未吳縣石湖陳某妻許氏產夜叉白魚後又過期不產一日請治平寺僧詞經祈佑忽產一胞剖之一銅法馬也重十兩鑄萬曆二十六年置

徐州吳端妻初生子歷五十四日忽嘔三角物數十滌之乃銀二錢四件五六日連嘔數斗合之得大錢七十五皆有年號

朱國盛朱積通請

天啓時工部郎中華亭朱國盛黨逆魏歷加尚書銜魏氏敗國

述鄭益校錄本

盛除名鄉人朱積因宿怨同陳子龍輩上書刺之輒稱逆黨積登崇禎癸未榜選庶吉士從李自成逃歸國盛誚為順黨題楹曰寬着肚皮包世界掙開眼孔看時人

沈澶

烏程沈文定相國南司業時魏忠賢以事至重其才辨厚禮之且荐於同年浙撫 贈遺過望忠賢感之天啓初 相 科給事中惠世揚以太學門生來謁勞閣人沈光一綰 三日終不為通世揚恚首攻文定云

熊廷弼

輔臣丁紹軾馮銓上私刺像遼東傳回殺熊芝岡丁卒時見熊索命又王化貞同熊臨訊在道輒賄市人頌王詈熊

朱國祚

王司寇紀論沈濶削籍初朱文恪擬旨未苛 上自改重時旨
出人多文恪脩怨司寇曰秀水長者不至是乃烏程構我耳

毛文龍

天啟丙寅六月金人遺毛文龍書曰古國家興亡皆天運循環
其將亡也必災異屢降各處兵起其將興也必天默獲祐助而
成功南朝運終死數未盡天使喪亡將軍豈能救之乎良禽擇
木而棲賢臣擇主而事韓信陳平棄楚而歸漢劉整呂文煥棄
宋而歸元此皆默識天時擇主而事名垂後世自古天生帝王
不念仇隙只論功德管仲桓公之仇也不殺而相之遂成霸業
敬德太宗之仇也不殺而將之以有天下今將軍縱竭力辦事

述鄭益校錄本

君臣皆迷反受禍患南朝氣運已盡時勢已盡悔之不及文龍
不報

董應舉屯田

董應舉奉屯田之命給帑金若干亟于成事出價買田業主包
租董去任即廢蓋怨荒可久今本熟田何以永賴錢相國塞

卷說

顧秉謙

顧相國宴魏忠賢窮珍極異覓竒錯四十盤令吏四十八頂獻
上紅僉書某味出某地又自撫其鬚曰本宜認子但不用我白
鬚兒命二子台碩台砥稱孫立勞二百金壽忠賢文自稱通家
晚生二子稱門孫祝

樊良樞

天啟丁卯四月浙江學使南昌樊良樞自還杭州登江岸
失印三日或得之司前石獅口中尋云試衢州投劾去

箕仙

天啟二年五月杞縣趙太守彥復游百泉書院有客召箕云淮
陰侯也以遼事判曰好將國事與君籌將士無心欲解謀幸得
天心猶未泯還看英武定神州又問又判云其自咏曰當年
初構未央愁日月無光水倒流敢謂漢恩原自薄已令楚客作
浮囚青山不掩英雄骨白日難銷天地憂我欲為君論往昔青
衫濕透泪還流

戊子山陰白洋朱氏以亂召箕問避地之所在鄉乎曰不可在
城乎曰不可然則城鄉間乎又不可歷請其故曰不在劫中人

述鄭公校錄本

無可無不可

魏忠賢

太監魏忠賢籍沒後崇禎二年七月晦吏科給事中李遇知巡
視內庫同各官佑諸物抵文武官俸有花梨木烏木雕花彩黑
彩漆黑漆螺甸各項大椅二十五上有龍文鳳彩萬壽等字問
之內監云神宗皇帝寶座逆賢家籍出又諸臣上壽錦幛崔呈
呈秀祝壽文二篇顧秉謙賀六十壽文一篇張瑞圖慶榮壽序
一篇黃立極疊承恩論序一篇馮祝銓^祝上壽上公俚言百韵沈
惟堡生祠記一首張德宏祝萬壽詩一篇馮銓詩曰德稟乾坤
秀身依日月光惟山寬截業瀛海汪洋甲代名方大於功
自昌嶽靈生伯甫苗裔出高陽文武人稱傑經綸世待匡器含

喬九潤胸富甲兵 偉畧高伊呂雄才生管商粉榆 漢苑運
會際軒唐已識天顏喜還知焚賚良楓宸心膺切禁苑姓名彰
玉佩趨長樂金貂傳未央袍分仙伏彩袖惹御爐香疏附明離
照周旋互震陽前星初熠熠幻海已泱泱羽翼高山手鷹揚渭
汭祥龍飛時放螯鵬運遂搏羊博望真師友承華賴贊襄風雲
應契合魚水恰相當輔導歸仁術謨謀得智囊鼎湖舟再起玉
几命重揚堯舜當我世臯夔佐我皇瑞圖星宿合令譽斗山昂
曉日通丹陛春風滿玉堂儒臣開竹簡元老展青箱雉尾雲彩
扇鴛鴦筵列行同占卿月皎共仰客星芒剡表尊公望帷籌伏
子房 猷規聖學 法正乾綱大有時方秦中興衆所尊英才
初彙拔宵小或顛狂簪筆希鳴鳳盈廷起沸蜩玄黃將易色同

述鄭公校錄本

異各胥戕不有風雷震幾令宇宙荒燭龍開即耀魑魅悉披猖
求舊存耆耆維新洗肺腸闢門等上聖重治法前王黔首沾膏
潤玄穹賜福禳苞鸞儀穎落寶璽見臨漳部奏清河瑞家在棲
畝糧天人同叶應中外体安攘文石擎天柱靈鰲駕海梁純忠
扶社稷壮志掃撓槍時下修刑政軍興只糗糧雁門無豕牧雉
堞固金湯扶纊從天府投膠自上方律師遵豹略驕虜敢鴟張
九載逋逃寇一朝思啟疆羽書連上苑烽燧達長揚更有机関
巧番來輦轂存虺蛇生肘腋胡越隔蕭牆究計潛相應鳥心未
可量公車 碩畫黼座獨傍徨非得宗臣力焉能薄海康運籌
先俎豆決勝溢疆場太白隨旌指昆吾早劔鋌有好皆鼠鼯無
賊不踉蹌麟閣分彪炳雲臺共激昂有功必上賞 德宜償

昨土 家業分茅在帝鄉山河延奕葉閔閔盡冠裳興漢推平
虜平开寔破羗匪夷來弁服甌脱化蚕桑九塞威靈赫三朝典
盛襄梯航歸玉帛瞻視肅巖廊頌茅茨地寧容荆棘 經營
勞勞畫樽節倏周詳桐梓共挺揔揔在棟梁子來仍勿亟農
事更無妨宸極端袞冕中天啟閭閻百靈咸受職萬國盡趨鏘
蟠龍去斯干虎拜颺嘉猷高且爽大國闡姬姜帶礪申盟
誓威儀異璧璋上公崇特進七廟儼蒸嘗玉綸褒 涯雕弓頌
什煌尊庸先後意史冊萬年芳畏壘多尸祝江濱徧芾棠承恩
宏甲第開宴沃春觴嘉瑞生芝圃輕裘解鷓鴣攝取貞孟月晴
旭送餘涼譯 餘玄雀瑤池下彩鳳上台輝煌 南極映蒼
鼎熟珍羞味 傾沆瀣漿大官頌御饌笙響振幽篁雅樂登歌

述鄭公校錄本

繞和聲係占饒玳筵青玉紫丹鉞紫瓊霜王母蟠桃日安期大
棗觚添籌勤海客托戟列朝郎壯志千秋樹箕疇五福章群情
勸九錫獨坐引雙黃元宰無窮壽朝家有道長嗟予才朽落念
我學 涼檮散原無用榆枋徒自槍明公垂顧眄溝斷被青黃
知己稱竒邁禔躬竊慷惶有懷惟縷結消渴欲膏肓虛負雲天
義安能寢食遑啣環思莫報結草德難忘齋戒通魚鴈 誠戒
管筐願言千紀壽長進九霞觴

黃汝亨

杭州西湖立魏忠賢祠賜名永思浙撫潘汝禎倡之祠始成郡
人黃憲副汝亨卧疾不可起魏氏敗有奏汝亨以入祠懃論被
詆辱念死則流聞悞之耳

中書舍人新安吳懷賢幕客程于古偶閱印報塗抹蒼頭怨懷
賢評於東廠捕下獄懷賢承之掠死崇禎初贈始禍不自蘖
歿預其榮人事真不可測

余煌

會稽余太史煌事親篤孝既顯貴父幼美自期進取不拜封命
俄歲試下等太史適家居今赴學使代朴勉如命宗戚中阻改
令少子往自是謝逢掖受章服之榮

天鑒錄

錦衣 胡岐山太鑒胡良輔從子也寓京口往來吳越刺探
陰事德清蔡奕琛以置海昌中書吳中彥家嘉興岳和聲虞廷
陞合謀作天鑒錄謂東林枉做小人不東林贏得為君子列名

述鄭公校錄本

分注凡五百七十人品目三日夜書成託浙撫後墻把總密
致之逆賢以把總其寄腹也又五千金託岐山壽崔呈秀謀薦
起中彥

郭之琮

蒲州郭之琮萬曆甲辰進士歷宣大總督嘗述夙生輪迴之苦
本蜀人讀書山寺中撥爐灰得二十五金蓋老僧所藏致憾死
書生亦沒罰作馬其主富人即老僧也被騎箱脅痛過鞭箠後
轉生某氏出胎方浴自喜為男子舒手連聲曰好其家怪之立
溺之又生郭家念前死九歲不言偶讀一壽文父駭問因詳其
故自是夙語經史居官記前因勸人惜馬

孫承宗

先帝好修飾言貌孫愷陽相國嘗面論兵餉云肚子裡飽可戰上曰何其粗也間引疾溫旨宣諭曰好出來了

閣揭

閣揭萬曆前不敷進事閔重密元輔秘啟多所嘉納先帝時屢瀆視為故常不復經意

先帝儉德

午日例賜諸臣蜀扇崇禎時寢之

賜大臣上樽發之或江南白酒蓋中宮蘇人故多吳釀午門

外廷臣待漏向憇內臣直房供飯例酬一緡上禁之俱露坐

松柵下

周或

述鄭益校錄本

嘉定伯周或朴謹諸子粗鄙雖貪恣大不如田氏嘗飲吳駿公太史太史問中宮異兆曰有之少時某嫗來命出拜之某嫗遽仆地今想之或不足當其拜耳

田弘遇

左都督田弘遇故博徒亡賴走淮安納中軍官為御史房可壯所撻免歸天津多養女御史吳阿衡巡城時納其女云貴

妃女弟阿衡坐視下獄論死因田氏力得釋楊嗣昌本兵迎合田氏推阿衡邊才歷總督薊遼飲酒好婦女戎備弛廢嗣昌言其不可阿衡疏辨有云臣繼妻即皇貴妃之妹胞妹也又云

臣陽痿不舉

云

給事中葛樞糾其借援宮掖語極穢褻七何

敵入墻子嶺是日總鎮太監鄧希詔誕辰阿衡及諸帥各往賀

不及脩甫宴萬騎踰嶺矣阿衡起坐率禪將出禦勢莫可遏走一村堡被圍數十重越二日而陷其家在鎮亡恙弘遇扶勢躡橫造請朝貴權出嘉定周氏上辛巳來江南過金陵收子女珍異七筭故太學吳興茅元儀妾楊宛本吳娼也善琴書弘遇至茅氏求出見即脅以歸壬午道臨清幾陷敵潛免八月 貴妃薨稍斂戢明年奏進其少女年十四有殊色從楊宛學琴曲不再授 先帝納之累日不朝弘遇善誘致富人鬪葉子接坐決勝左右陰為地富人心懾手博竟大負至數千金弘遇立置馬廐中責進不少待凡傾數十家金陵太學某悞餌其術一日罄產五千畝亡何弘遇卒明年長安陷田氏逃民間今為貴家妾

陸完學

述鄭公校錄本

大司馬太倉陸完學協理戎政再廢錦衣時太監曹化淳提督或問其方畧田曰自去自来梁上燕相親相近水中鷗專事唯諾竟得善去費縣張四知代之郊餞請教曰有四字相贈行所無事耳費縣初不以為然已悉如其言所批牘輒日照行一日語吳駿公太史曰行所無事貴鄉陸 翁見教甚得力吳曰國之大事在戎何云行所無事費縣無以對未幾內閣

周道登

吳江周相國性木強不好矜飭一日侍朝默笑 先帝見之詰其故不對亦不謝既出華亭錢相國尤之曰已笑矣奈何 上自此寢踈訃聞僅祭一壇予半墓典禮雖薄猶同官幹獲之

綸命

百官馳封誥勅屬詞臣贈官誥勅屬中翰崇禎初贈高攀龍誥命許士柔擅撰被免

凡京營河漕撫按鎮巡等勅書俱累朝成稿不易一字或當增改經閣臣題允始得命長山劉相國鴻訓以惠安伯張慶臻提督京營勅書擅增數字下獄戍代州

張鷟

華亭侍郎張伺初鷟學行著稱夫人陸氏頗妬婢侍郎若之沙門達觀有道術侍郎以夙命問令持呪度誦半載當自悟也至期恍覺前生戀伎某登第負之轉生陸氏

起居注

上初命史官記注後召對漸任喜怒慮未可示後罷之 日講

述鄭益校錄本

六人專司起居已執政多奉密諭不欲外聞仍起居注

錢謙益

常熟張漢儒本縣簿佐史也陳侍郎必謙策仕初入幕後忤意榜曰革退張漢儒不許復入漢儒恥之已隣人失鷄詈及漢儒以隣屋為瞿給事式給也漢儒通刺自白瞿不納曰陳氏逐客何刺為漢儒恚甚入京欲訐必謙會邑人陳履以家累逃京師怨錢侍郎謙益速其訟語漢儒曰陳益我無大瑕隙宜先及牧齋也又訟師單良臣嘗上牧齋六字訣曰疑曹和溫脇張疑曹謂司禮太監曹化淳也和溫指烏程相國曹張指漢儒良臣遂自泄于履謙之子履謙因改為激溫曹朱朱蓋撫寧侯國弼也撫寧方叅烏程即上揭化淳化淳大懼不欲居疑遂盡發烏

程怒牧齋事而下漢儒履謙并武舉王蕃立柩死蕃屋本陶氏後歸錢氏納價又折之恨極訴京師

何吾驕

香山何象岡相國以未腰玉不加意錢塞菴曰毋妨雖未腰玉人視之同為閣老何犀玉之異

嶺南巨宦何太宰熊祥黃宗伯士俊何相國吾驕陳侍郎子壯並鉅富於桑梓不甚稱也香山專販海侍郎至窟盜御史李雲鵠按劾子壯朝議不悅例轉雲鵠

程國祥

程國祥清望素著入相後頗迎上意啟其瑣屑始搜民間房稅

虞山後輩

述鄭公校錄本

常熟楊子常彞初以太倉張采張溥謁錢牧齋時同社溥其文已采登第溥又出宜興周相國牧齋反因之通相國

李長庚

李夢白太宰朝罷例謁閣臣時方更選法太宰述近議倪鴻寶云溫相國体仁曰此事老先生自主與倪鴻寶無涉

傅冠

崇禎戊寅六月劉宇亮傅冠直內閣是日直經筵傳敷陳剴暢進退詳雅上退入煖閣諸臣尚竚竚俟傳上方酌定枚卜諸臣出及門知傅等大拜

楊嗣昌

武陵相國本兵時丁丑觀政進士二十六人各授以楊襄毅博

集示方略嘗曰今日盜熾湏十面埋伏法殲之否則我東馳西
驚徒團走見困而欲增兵先議餉必加派殫一二年之力庶
可蕩平進士歛縣洪天擢曰老先生策甚善雖民力有限果一
二年蕩平有何不可若猶未也民力坐困將若之何本兵色動
大不憚

平島劉興教兵潰 上中夜召本兵問計對曰毛文龍牽制建
州有名無寔文龍死留島兵無益不如撤之今未撤而潰于我
非有損也明日本兵以語朝中

翰林編脩楊廷麟論楊嗣昌庸臣非奸臣嗣昌大恨之謂奸猶
可也乃庸我乎出廷麟兵部主事監軍謫

戎脩

述鄭公校錄本

戊寅烽火徹于京師大司馬登城見單騎驅難民二三百人繞
城而走命開門發兵擒之將獻俘訊之則胡婦也職方 郎
笑曰且未獻俘待吾輩用過始吐氣

工曹繕械日不給忽命名狗麓一千時有言獐犬最警令登城
司夜不虞掩襲從之宋以羅江狗為笑世固未嘗乏也

中夜府僉書謝弘毅嘗侍班召對詞臣某遂出奏大器不可不
脩 上恚曰朕未嘗問及尔所對云何某叩謝

作文法

粵東某生謁太倉張太史溥其歷試草曰因緣簿游途所著曰
山水志俱就質且懇作文法太史曰母炫竒也如因緣簿仍名
歷試草山水志仍名南游草斯得之矣

王思任

山陰王思任恃才傲忽崇禎冬諭停刑是日會徐九一沂于朝房九一笑曰此盛德事也可謂瑞冬王疏遂東王荅曰此亦九死一生鄉人張汝懋其門生也過其家聞鞭朴聲張曰命奴市鴨子云主人不在鴨子安得有主人王笑曰箕子為之奴鴨子獨無主人乎

夢有字

崇禎癸未五月上夢一人書一有字以語內臣或曰此大有之祥俄會極門上疏言陛下夢後諸臣某又某以為祥臣竊以為非利蓋有字則大明去其半矣云云上怒甚下兵科郭跡其人不得又下錦衣衛帥駱養性跡之終不得霍達曰此即

述鄭公校錄本

賊奸細也

武備

崇禎時杭州各城門軒廠撫臣某命兩旁各砌三尺餘隄其間蘓州城塗以石灰以是言備徒供識者一喙

張次仲

張元咭曰今人沽名釣譽輦金輿帛竭精殫智終無所成而古人或一事之悞一言之出徃徃流傳于後反或不磨所以人貴自立耳

元咭論樂之實手舞足蹈如伍員鞭屍黃香扇枕老菜子戲彩皆是此意

心竅

庚辰山西大飢人相食剖心其竅多寡不等或無竅或五六其二三竅為多心大小各異

周延儒再召

宜興再召都督杜文煥日章趨其家告曰相國聞命例疏辭而今事亟矣寇胡交訐勢不兩顧其關係在松山之師稍有蹉跎大事去矣相國疏辭即宜附密奏撤師松山回守閉門蓄力併銳猶可支也若待相國入朝而圖之度紆程三四月則松山藜矣閉門豈能獨禦哉 上待相國厚言之必聽幸速為計宜興漫應之殊不置意及入朝東師果潰而九塞之精銳盡矣都督以語吳駿公深用追嘆日章博通經史二氏善五七言律吳駿公太史嘗請事宜興如兵食河漕等當若何宜興但曰有

述鄭公校錄本

督撫等任之並無他語滑縣魏烜乘并斫陳演接朝士並曲謹未嘗涉時事并斫即瑣語輒左右顧始發實皆寒暄酬應之支飾也

孫傳庭

中丞孫傳庭自陝西勤王獨不召見自疑懼託耳聾求免上不許陰令撫按道府偵之各稱其聾先是過易州所部兵頗道橫辱學正之弟適按臣委學正伺報于是學正報某日接某人餘某人非聾者按臣以實聞下傳庭獄撫道府俱落職

曹文衡

薊遼總督曹文衡既削藉樹坊于里忤縣官手搏其面縣官大怒杖之二十下獄

阮正中陰德

丙子海鹽訓導 阮正中恬潔自勵署桐鄉縣事三月積千金為吳給事麟徵所重得宰壽昌決歲殆四千金意覬温州同知時巡臺金壇鄧鉉出壽昌鄰宦某之門以八百金壽鄰宦某鄧鉉許之尋卒未及薦正中嘗候鄰宦某某謂其索負若無措正中曰某非求償者慮丈人介意特相慰藉事之不諧命也願勿再及某宦原乙榜窮老止一孫命出叩謝俄巡臺來又某門生泣告其事巡臺曰此足徵壽昌矣特疏薦徵拜某科給事中正中辭巡臺巡臺曰公隱德非人可及始知某宦之力也又餉之三百金不受

白楹園石

述鄭公校錄本

聊城進士白楹治園于臨清輦二石致自章丘頗幽麗德州謝太宰陞求之不與謝方典銓補楹盧氏令被寇死濟寧楊士聰詩興寄烟密粗適意禍貽花甸杳歸魂

科第陰德

隨州陳鐸崇禎戊辰進士授惠州推官庚午分考閩闈撤棘語門人曰吾輩進身雖藉文字而積德尤為之本予記公車時舟泊一渚是夕北岸 家失火有婦裸奔投水予呼僮救之入舟恐僮輩有他意坐守徹夜解衣衣之凌晨歸其家而行是婦見疑于夫謂倖生逐之適懷妊不能明也還母家後舉子岐嶷可愛少即補諸生雋鄉榜戊辰同禮闈初場稿畢拍案叫絕俄燭蕊燼其角自度不中格未騰真步于號房見隔坐老孝廉枯問

坐舉稿授之記其名乃程鐸也鐸因奏名成進士少年來訪懇問素履漫以前事應之少年泣拜曰公真長者吾母嘗誦此事無路訪覓今借以七義報于願足矣乃述母見逐之故其寃始白故知陰德灼灼不爽也備叙顛末以為門人訓

鄞縣卽仲陟已外館袁花祝氏赴秋闈寓婦意挑之仲陟不應侍女間遺茗餌麾卻之或婦自至避不接且戒祝氏僮勿以語人仲陟竟登榜

吳培昌

華亭吳培昌字仁和黷貨時歲飢借完漕貸萬民五萬金半私其橐營荐五千金內召還里卽被笏綉謂西臺直掇之耳兄事携李吳昌時同舟而北志意驕溢癸未四月河南道御史吳履

述鄭公校錄本

中同嘉興曹溶給事中長沙廖國遴松江楊枝起平湖馬嘉值等集松棚下履中曰將來匪人玷臺矣公等何不糾之問其人曰吳仁和也各言其黷貨以隣近未便糾國遴又他對時試御史大興甯承勛以堂考次等當調國遴諷履中德惠之履中遂語承勛曰君授職來曾被考乎曰前被考未實授履中曰君能論吳培昌則臺端生色矣承勛唯唯云渠事未詳枝起溶請任之枝起列事狀溶繕疏以承勛名上得旨下培昌撫按勘理培昌道德州見報駭懼亟返昌時怒言路謂此非逐培昌乃逐我也兼程入京偵其事陰代宜興揭言路喜中人徃徃不識面借陷如吳培昌事甯承勛何曾稔之實枝起溶等嗾使陛下試召問則立破矣上尋召府部大臣對訖手勅召承勛承勛不知所

出 上曰尔糾吳培昌能誦其奏乎承勛惘然 上曰即未全誦事可悉也承勛勉叙一二 上笑曰奏不自出當指其實承勛服而退各責回奏承勛趣枝起溶商之承勛回奏培昌稔跡甚著臣誼當糾第路遠未詳訪之枝起溶非有他也章上不問枝起溶亦回奏不問而昌時憾三人甚托給事中常熟時敏伺三人起居三人謂敏同土傾心告之且求為昌時地不知敏賣三人于昌時也會推孫晉大同巡撫昌時噉宜興揭國遴等有私國遴枝起不獄溶解官聽勅而三人尚乞援昌時其見賣久矣

熊開元

嘉魚熊開元萊陽姜塚言事下錦衣獄密旨欲令都督駱養性

述鄭坐校錄本

死之養性私語同鄉廖國遴國遴阻之母殺言官行疏救之矣明日疏上果緩其獄月餘國遴與同官曹良直餘飲酒語及之良直曰駱受密旨安得少泄不佞且以聞國遴初不為意良直果疏上留中養性聞勅大恐几欲自裁已絕無耗一日 上手書召勳武射并及都督駱養性益大恐射得三矢各賜恭養性不敢受奏臣服罪久矣因述前事上不問始自安

董象恒

雲問董中丞象恒撫浙有綏靜之德坐累被逮甲申三月許囚納贖董贖浙人在京者疏救既輸金旨未下輒出獄又浙人焚香迎于司寇門其人爭金相詬東廠伺得之欲以聞董即夜潛入獄

兵疫

癸未夏秋間畿內大疫營兵半空大司馬以餉匱竟不補至悞國

蝗虫秀才

庚辰辛巳間山東大蝗許收蝗五十石補諸生時呼蝗虫秀才

佛災

庚辰二月十九日杭州錢塘門昭慶寺火銅像燦盡東廡伽藍三像土偶如故屋雖燬神製無一損豈佛之靈不及伽藍耶殆有不可解者初萬曆間賜大藏經嘉興尚書岳石帆元聲見經籤零落奉入嘉興金明寺求善手整之得不燬

弔沈何山詩

述鄭益校錄本

秀水朱侍郎大啟弔烏程沈尚書演尚書七子客至不具賓禮感賦一絕術士俱傳不死方臨期一着費商量無生無死原無用莫向留城學子房

武塘詩

嘉善進士徐遠負錢相國子錢因責進遠致相國書附以詩得好休時便好休蘆花滿地燕飛秋黃鸝唱晚日西落几見門前水倒流相國返其書題曰馮君滿用一帆風波復推波滿眼中莫笑寒岩無煖氣三春花柳總成空

孝陵碑石

辛巳 孝陵重立神烈山碑石戶部給石價四千金石出宜興山中寔七百金

劉宗周不捐俸

劉念臺先生工部侍郎時烏程倡百官捐俸助馬先生獨否曰朝廷以此養廉不宜自薄

市廛

烏程朱文肅相國國模同年僉事朱汝器雅相厚非族也文肅夢少子中書舍人紳利汝器子謙之金許廕叙而紳以勅郡守朱大受疏六上大受發其私又文肅祖墓在長興守者朱國彬盜宰木見罪昌族父名訐紳市廛下紳刑部獄死紳嘗買伎俞楚烟以櫬歸

借屍脫囚

崇禎五年高平典史張

脫囚歸許氏借丐婦屍為許氏陰

述鄭益校錄本

匿于官舍秩滿還富平隸人發其事逮張至抵死

南內盜

辛巳十二月南京大內西宮火以盜利其銅火之

壬午四月盜秘色瓷器五百件

救生婦

庚辰九月癸未救生婦王氏孫男李化龍王氏姪錢天祐俱著與別帶總旗兵部知道

清豐義士

壬午北兵陷清豐執知縣馬中驥諸生某力救之非令君也乃歌者中驥果以歌免某被殺

范允臨書屏

姑蘓參議沈長倩允臨幼子與徐太史勿齋沂議姻或惡長倩以徐館選必絕婚得之長倩估古事書屏曰長慶中王起知貢舉欲以白敏中為狀元嫌其與賀拔基往還密令親知致意敏中躍出悉以實告曰一第何門不可致奈何輕絕至交相與盡醉起聞之曰我比祇得敏中今當更取賀拔基矣

梁州杰

梁州杰故嘉善丁清惠公賓奴產子朱姓侑墜補諸生以黠猾忤主除名出亡遇山西梁某父事之挈歸冒氏籍登辛未進士歷咸陽曹縣令好貨謫死揚州州杰初第刻稿瞽瞍北面而朝之其文有曰謹具田間大老奉申天子親家時以為笑

陳美發

述鄭益校錄本

上虞陳木生太史居鄉豪逞賈怨閭里壬午家大疫止一幼孫名餘姚醫者史繼燭史至門若神鞭其背謂彼黷橫不當療也因仆地而蘓幼孫殤絕

陸員外贈妾東

嘉興梅溪里李明嶽無子平湖陸員外嗣端澄源贈以燕姬東

曰北地佳人盈二甫笄東方才士鬢三有頂割我下陳侍卿中幄驚柳之長條初折梅溪之遠黛方新紅拂善相李郎庶幾俊眼黃衫俠客霍女洵是奇緣拜姑嫜身乍分明叙姊妹心休見別豪豈同於換馬喜或媿夫乘龍曉發棠舟祇合漫歌河畔柳夕開油壁想見懽應畫中人陳媛咏舊宦詩我不更逢山下杜新婚詞君其倦問水濱時欲游粵聊採微芹以光合卺願言種

玉用慰推雲

王介人還妾

乙酉九月梅溪里王翊買妾張氏蓋難婦也明年丙戌夏還其故室作滿庭芳詞題帕贈之九月米衾三春香袖客游多負蛾眉一魂自守掩抑待歸期私惜閑情半枕宵征肅星影相宜殘酒柔聲附耳片刻倩郎陪 窺粧今未幾旋傷遷次對眼看離念堂前去燕故壘重樓珍重紅樓小帕治餘屑檀氣聞維新詞與能將好夢寄我數行啼

江南邊聲

癸未春夜飲張藐山先生留署中聞行歌者歎曰此邊聲也乃在江南乎今思其言即辛有斜川之料

述鄭公校錄本

三區方畧

南昌黎博菴元寬督學兩浙癸酉七月大考諸生策問三區方畧多不能對蓋吾浙參將四各分一區曰浙西曰寧紹曰金衢曰溫台時浙東患海盜

馬玉

燕伎馬玉擅美北里山陰余狀元煌欲娶之偶朱錦衣席上侑飲歌琵琶記中滿城中許多公與侯何須羨狀元余意頓阻

陸澄源刺党

山陰都諫陳爾翼党逆魏除名于錢塘西河候陸員外澄源問近况云有甥女陳曰君遂作公矣員外曼聲唱曰公一日登九五福自天來大興劉瑾傳奇語陳慚而去

薦侑

崇禎末士大夫苞苴輒千百金苦于費重專黃金美珠人參異幣時都門嚴邏而徑竇愈廣癸未大計錦衣衛南鎮撫司僉書山陰朱壽宜為鄉戚寄徑累羨餘八千金世事可知矣

都諫娶娼

雲間許都諫譽鄉娶王修微常熟錢侍郎謙益娶柳如是並落籍章臺禮同正嫡先進家範未之或聞

巡臺私從

巡按向獨身赴任祖制行李八十斤出不馬食不鵝今遺規漸盡惟單行如故崇禎丁丑邑人葛徵奇按廣東携一庖人弘光初沂州彭遇颺按浙至携全家

述鄭芝龍校錄本

鄭芝龍

鄭芝龍少亡賴走日本小名鳳姐年二十一從李旦還閩航海行劫嘯聚頗衆同輩二十餘人莫適為長各約投甌于海不沒者為雄獨芝龍持甌不沒衆因推戴常值颺舟覆及風息舟之貨具在按宋福州鄭廣以海寇授職對群寮吟日鄭廣有詩上衆官文武看來總一般衆官做官却做賊鄭廣做賊却做官滿座漸喙不謂今鄭氏萬倍于廣也

誦經滅蝗

本兵楊嗣昌請誦法華經滅蝗

追封母后菩薩

崇禎十三年追封孝元貞皇后曰智上菩薩孝純皇太后

劉氏曰顯仁九蓮菩薩

癸未選館

癸未九月望廷試貢士傳臚訖以守令闕人命進士減觀政一月閣臣請館選奉高皇帝位于閣中示其無私非制也嘉善沈宏預選俄易魏學濂

魏學濂壬午舉南榜樹旗于門碩孝廉之名義紹忠節之家風私印曰一門忠孝

海鹽陳梁弔子一詩扁舟弔子一無言意默然手持一端葛為致阿母前子一曾過我貽我絕命篇初竟置不讀一讀泪涌泉初念死即死轉念誰能堅責人莫太苛子一亦優焉不如子一者高車何軒軒

述鄭公校錄本

莘亭李雯弔子一詩亂世身名可自由恨君不及鄭台州劇秦新論何曾草月旦家評總世仇

錢弊

崇禎時錢法日壞薄小如鷺眼荇葉南京禮部右侍郎錢塞菴入相携戶部夾鑄錢若干欲上之為烏程所阻

癸未冬錢法侍郎請禁萬曆泰昌天啟錢止行崇禎錢而崇禎錢少一時苦之都市嘗曰拿崇禎來或應曰崇禎能有幾日識者知其非祥

降級

崇禎來中外官降級甚多仍陞遷如故帶降級字惟守令必開復得轉成歎淹滯巡按山東監察御史陳降九級書奏云巡

按山東監察御史降三級又降三級又降三級臣某松江知府
方岳貢歷十四年歷降三十級夫御史七品降九級群守四
品降三十級幾無容地而猶衣豸橫金也章服不足榮功令
不足畏矣六朝時降罰白衣領職豈謂是乎

訓儲

先帝好學不輟其訓儲亦然一日宮中有慶暫假語閣臣曰
東宮又荒踈四五日矣見忠節麟徵家誠要語

閱武

先帝力能開勁弓外解弓弩多駁回所頒行間皆不能用造甲
每利矢陷之駁回於是甲或厚一分有餘過重難堪

玉堂薈記

孝陵樹

述鄭公校錄本

崇禎十年修孝陵允樹萬有二千九百五十七株刪枯樹五
百八十六

後湖

崇禎四年修後湖冊庫柱刊匠人名氏十年不壞始免議

陳際泰

臨川陳大士深于經術盡日可艸制義三十首選貢庚午舉
于鄉甲戌成進士授行人年六十五猶善酒御內辛巳送金谿
蔡相國之喪卒于家

撫州人因大士之教生徒立業俱尚迅敏辛巳嘉定候安廣安
曾視學江右正考儒童訖仍大收限試七義稍欠輒加杖有差
他郡少者數人多或數十人惟撫州九百餘人患其衆特簡七

目曰日月星辰曰龜鼉蛟龍曰鳥獸魚鼈曰干戈戚揚曰麻縷
絲絮曰江淮河漢曰梓匠輪輿共錄四十人以額限寔不勝收
也其減責者僅二人

凌駟

李建泰王錫衮丙子主南畿試時各省卷磨勘各有停葺建泰
等計必不免遂自語禮部以凌駟桑芸停科芸年二十二駟稍
長命下駟除名停芸三科駟不能還訢建泰生雖不敏奈何以
駟塞責也建泰語阻許館之殆百金且任其完復庚辰不復至
壬午收籍癸未成進士建泰出師上問贊幕者誰也舉駟任
兵部職方主事建泰為順賊所執偉其貌如李姓拜稱皇叔開
深殿中賊去清人入大內開殿得建泰仍相之與涿州不合引

述鄭公校錄本

去而建泰之督師也山西為裨將幾被戮憾之至是誣告

建泰通叛逮入京鞫之不寔某坐誅建泰得宥駟事弘光朝拜
御史巡按河南至歸德度不支夜自經

王漢

嶧縣王漢丁丑進士嘗與同年包長明訪陳大士云先兄已無
辜恐身亦不良死大士曰曹公赤壁之戰足下且為荀文若可
也王應多其兄

丹銀

沁水張都督道濬好方術謂丹客俱詒人偶平陽人傳方試之
並驗都督欲授余余不應又有小方曰得一鑲吳興茅止生維
請其法遂廣作之謂余不妄作者傳之日佐薪水可也余辭曰

寒士命厄正惟是半菽不充藜藿無措若日享一饌則腹且果然豈上天見困之意哉嘗見裨官家言吳人某好丹偶延方士某試作黃白殊驗特宴之方士某纔舉筋頤脫此事徃徃多陰譴僕雖長餓不願聞也

金箔

宋杭人周承裕私鍊金為箔鄭仁澤市千枚轉鬻他州事敗全家徒配轉運司陳堯佐言仁澤情同罰異不可懲奸乃定轉賣者減造者一等著為令田汝成

按秦漢以前餽賜多黃金江左後白金盛行宋人謂黃金之耗在于佛像夫佛像固足耗而今日之濫莫大于屏幃榜署箋箴器飾之類歲耗不可勝計如金陵蕪杭製扇徧天下其靡金箔

述鄭公校錄本

何限恐佛像不足當其十一也推此一端律以宋事庶乎有儆時敏

初餘杭大滌山洞中有異人寓焉不知其年月云吳人也嘗出游值筆賈為吳中故人相話舊云能見訪入洞初黝黑勿自阻即得達矣當有以少報久之筆工尋山洞如其言深入劃然天開見異人坐石林延接甚至謂子貧或外人託問未來事可知給朝夕也于是屢往來焉嘗熟時敏子求亦托筆工致問云功名歷歷第甲申三月十九日切勿在京師敏成進士除海寧令對所善諸生若輩游宦甲申三月十九日切勿在京師因述前指敏調安陽又調固始邑嫠婦某擁貲數十萬居鄉時寇警招之入城令捐助先後不貲迨寇偪驅婦出城被難因籍其家已

遷部主事給事吳昌時求項考選召對上臨門手注御史
出語人曰猫頭補子豈人所着則宜與密揭改兵科給事中甲
申正月調金華守上書自明又得留尋從賊除巴縣令御史蘓
京除四川防禦使敏即修謁盛飾短後衣長跪已遁歸昔鄭相
如告鄭虔曰天寶十三年逆臣僭亂當得偽官願守忠節時開
元三十年也後安祿山反虔陷賊署水部郎中虔念其言稱疾
求攝事平虔減死貶台州司戶夫天寶十三年與今之甲申三
月同二子獨不能預避之耶亦何貴于前知司戶母論敏且外
遷適當其幸至上書乞留豈非溺于津要附宜興未足轉于附
賊矣

吳之後五議

述鄭公校錄本

南渡初 諸生吳之後上史相國五議

漕糧兩石而運一石今湖廣江西順流而下浙直一水之便俱
數日可達京倉漕糧在湖廣今楚鎮撫對支在徐泗淮揚與淮
楊鎮撫對支在九江安慶與江西對支某地鎮撫或對支本地
或對支隣近盈餘即解京倉在昔水耗緣途運艱難京倉存積
數年故有鼠雀朽腐之額今糧本年支銷所存京倉几何過夏
加一之耗足矣對支可無耗也浙直兌例每船正米三百三十
石凡百加九石八斗十斛三尖一船月糧四十金行糧十六金
每石車脚蘆蓆茶果常例之費二錢有餘而湖廣江西耗有加
六加七之異使費倍之歲船小修三年大修五年大造又外帶
六十石每石水脚一錢五分耗米加一之五更無他費則今日

四省運糧京倉途近軍便較之遼糧可以類推也

白糧三石而運一石獨蘓松嘉湖五府有之共二十萬十七石例耗米三斗春辨二斗六升本色四斗折色四斗折銀二錢嘉湖水脚每石六錢雜項之費不與焉今奉旨明年改折二年正額外即餘米十萬有零以佐軍興

九邊已絕開中來年南京概給新引兩淮仍五錢六分兩浙每引四錢浙監計四十萬引淮鹽正浮額八十餘萬引除湖廣河南殘破少行約三四十萬引每引又庫價二錢三分淮浙可得四五十萬補正供之不足

松江油布三疋而致一疋今宮寺不過數百人所需幾何官布亦便紬布十有餘萬編審解戶諒助貼價折可十萬

述鄭公校錄本

大派改造

祖制十年一派係浙直福建十八府并廣德州供織上用如金花緞大紅錦每匹至二十餘金又補墊一兩九錢共計十八萬匹又細造六千匹如虎豹緞每匹七金補墊一兩二錢

皇上登極例有尺絲團花亦應動支二十餘萬更有龍袍妃服綾紗黃白絹并鋪墊等項共三百萬之額或動支于四司料價或動太倉料價或出正倍額辦不一而足再如天啟問題加遼餉七百六十萬勦練二餉浙直廣福江西五省亦約一百四五十萬而回馬折價河工見存典稅雜稅金花及十庫茶蠟顏料藥材諒酌上供猶可變通二百餘萬東南財賦見在千萬有餘而漕米幾三百萬不與也

顧錫疇

崑山顧宗伯瑞屏乙酉九月父被難航海至温州入閩隆武朝加太子太師仍禮部尚書命聯絡浙直士籍十一月復至温州因募兵之餉欲徵漁稅巡撫盧若勝騰總兵丹陽賀君堯爭漁稅成隙而君堯部下歐諸生致諸生洵宗伯遂疏叅盧賀兩公丙戌三月宗伯復命宿江心寺君堯夜遣人殺之

趙庾

吳江趙庾字渙之崇禎甲戌進士隆武時文選主事遭亂祝髮為僧遠游天台習禪學毫不顧家者二年子遣候或言其子應省試曰此多事已鄉舉曰又多事終無所囑時吳江某村廟流言武當真武之神携節焉香久驟溢改創神宇其僧積錫數萬

述鄭益校錄本

趙氏子孝廉濬利之訐於巡臺秦世禎謂有張角之孽事下蘓州同知或走天台邊庾還戒其子庾不得已同二僧來過平望值風舟覆救出庾俄坐逝

陸禹疇記

獨足鳥

新安陳文遠崇禎中游山陝間西北有鳥大如鳩獨足千百為群每集處不旬日中流寇：號為吾家鳥時墮地食之味腴又嘗見空中飛銀大小不一相擊撞有聲人以石中之亦墮地餘不知所往

朱積離魂

華亭朱積以庶常逃南嘗疾甚魂冉冉自榻出升屋上若前列雙燭身東向即燭東身西向即燭西竟日寃徐下入所寢之東

南隅見身隔于榻并榻卧者不解為何人也如是三日忽欲渡借卧者渡為時扶掖甚苦久之魂登榻並卧又不相屬小間同年某移飲榻次約明年燈夕偕游荅之曰我願其但未知彼許我否同年駭別魂離二十七日始合體而愈因歷之為包長明述之

修志

范石湖吳郡志成欲刺時有求附其事于籍而弗得者諱曰是非石湖筆也守憚莫改辨亦弗敢刺以書藏諸學宮見汴人趙汝談序中崇禎初海寧教諭平湖趙無聲維寰以修我縣志見忌濱行東余曰不佞故以痴癖為不知者所詬厲不意世間亦復有如不佞者亦更有如不佞之知兄者德不孤必有鄰信矣

述鄭公校錄本

傭養

有賈江北者募二傭背其裝先各予一金嘗午飯旅舍忽失二傭意其遁出傭券示舍主舍主曰毋妨彼非傭也本兄弟俱諸生也俄至問之值母生日資力金為壽上一觴耳惜失其名氏

逸詩

丙戌六月七日携李屠用明走幽橋村值木鐸老人挂 太祖高皇帝聖諭牌因携語道側雪涕而別似毘陵人舟宿有兒鼓柁用明詩紀之不載

學使李際期試金華諸生或題牘曰滿州衣帽滿州頭滿面威風滿面羞滿眼干戈滿眼淚滿腔忠憤滿腔愁

誕日疏

戊子正月嘉善錢相國誕日釋行門正志修齋疏曰竊以久莫
久于無量壽多誇上古之椿永莫永于一殺那好納須彌于芥
蓋謂仁者必靜靜則有常吉士多求求止于道若夫善頌善禱
總屬虛譽之事不騫不崩亦是遇情之願期斯尚不可質諸正
人君子之前又曷敢昭告大覺世尊者耶但願身雖幻有借假
可以修真時雖駛流不遷即是常在仲尼之欲無大過猶須假
我數年顏子之殆其庶幾政在不違三月况乎黑業多而白業
少尤宜更事懺摩人心危而道心微頗用克勤苦到孰謂延齡
非進德之基而攝生非薄德之地也茲者歲添一笑乃宜喜宜
懼交關事且百叢覺為人為己之相間人則慶鄉老而兼國老
我則憂未解天下之倒懸人或慶爵尊而暨齒尊我則憂難慰

述鄭公校錄本

蒼生之缺望稍弛刻責便墮自寬財失思維遂憐昏弱由是希
良馬之視鞭影直爾長驅效野干之去尾牙猛然大奮幸爾落
日之方可想會且形就而神和觀河見之不殊何妨年變而月
化伏願自今以後寒威徹骨梅花識天地之心和氣滿懷穀種
播聖神之德已用諸河之水不消口吸西江既睹夜半之星何
俟身藏北斗試看春風澹蕩象牙點點雲雷華秋水澄清
珊枝之梅波月

人瑞

歸化縣晏景生洪武壬戌年百有二歲

合州楊小彭年百三十歲喻尚書時有詩

永康徐伯敷嘉靖戊午百有三歲郡守李問其故曰無他

第寡欲耳

莆田林貴生宣德丁未卒嘉靖己丑年百有五歲朱永崇吳大猷陳居竣各年百歲

義烏陳世泰萬曆戊寅年百有六歲或題其門壽域天開眼見六朝盛事老人星現躬逢百歲中秋

長樂郡庠後圃者生弘治癸亥年一百歲老亡子 五雜俎

慈谿劉伯祥嘉靖辛酉鄉舉隆慶辛未進士歷江西按察副使年百有八歲

尉氏趙宗年百有二歲

密縣樊福年百有十四歲

丹陽劉伯淵嘉靖戊戌八月生戊午鄉薦己未登第知海澄憂

述鄭公校錄本

去起補臨川又憂去歷什邡湘陰寧陽餘抗屢難屢任不滿十月以生母沈氏告終養崇禎十年伯淵百歲兵部侍郎王業浩以聞命補近縣滿歲即褒封于是授英山縣知縣補三月即馳封

餘姚杜一年百三十八歲尚為人賃春萬曆 有司存卹

崇禎三年四月詹事 黃士浚言親齡望百求省侍許之仍

令有司存問

崇禎丁丑休寧孫元新年一百三歲見陳眉公像贊

丁丑五月進士鄒明臣言其祖必信嘉靖戊戌生今百歲命下

部旌禮

私謚

秦和蕭尚仁洪武中以賢良召卒門人私謚貞固先生

宣城貢性之一名悅世稱南湖先生私謚貞恪

湯溪胡榮希華居家孝友門人私謚文莊先生

浦江鄭洧嘗代兄濂死私謚貞義處士又鄭淵仲誣徵君私謚

貞孝處士

崑山殷魁孝章咸陽教諭私謚文懿先生

東陽馬濂原清官山東按察副使鄉人私謚孝廉先生

宣城陳迪禮部尚書殉難郡人私謚靖獻先生

瑞安卓敬戶部侍郎殉難宣德中劉球作傳私謚忠貞

鄞縣王賓用賓舉文學授休寧訓導太祖試鐘山雨霽及秦

鶴二賦命供奉翰林以教授卒門人私謚清節先生

述鄭益校錄本

金華劉履地坦之洪武中私謚貞恭先生

義烏王徐有學行門人私謚孝莊先生

崑山龔翊大章以金川門卒避靖難去之門人私謚安節先生

黃巖應宗祥尚履諸生也好學工詩文門人私謚文貞

吉水解晉私謚文毅見胡儼祭文中

仙游鄭照孔昭正統間以監生令安遠韓巡撫雍稱廉官第一

卒鄉人私謚清介

蘭州段堅可久景泰甲戌進士南陽知府成化甲辰卒年六十

六門人私謚文毅

華亭張璠仲圭黃縣訓導子貴贈尚書學者私謚貞孝先生

無錫秦旭景暘父嘗讀論語君子以敬曰此萬金良藥也行已

接物一以為準及卒友人李舜民等私謚貞靖先生
海寧祝卒 成化甲辰進士廣東左叅政門人私謚文惠先
生

福寧劉鐸彥振成化中歲貢生訓導仙居歸養母喪葬如礼有
鴈來巢及卒學正問鶚私謚曰貞孝

福寧盛仕春仁仲弘治中訓導泗州耽書至忘食淹貫百氏有
失則書悔字以自艾年八十一鄉人私謚文抑先生

閩縣何廷議南安府同知鄉人私謚夷穆

閩縣鄭餘慶定海知縣卒官定海人私謚曰恭孝

泰和王翥九達文端公直五世孫少游王文成之門嘉靖中教
諭莆田本師說而不遺格物卒官門人私謚貞穆先生

述鄭公校錄本

高要崇德子修早出陳白沙之門廉介有氣節舉于鄉知沙縣
諭民十事隣士就教延禮之廣諸生額卒官士民聚哭私謚古
廉先生

海寧衛指揮使王佐私謚康毅見徐咸謚議

金華陸震汝亨正德 進士兵部郎中諫南巡扶卒門人私
謚忠定先生

華亭何震汝元官 教諭嘉靖中有司祠之私謚先生

華亭馮海性至孝母浦氏疾累月每夜顛斗求身代母獲瘥而
海以瘁里人私謚苦李先生

吳縣杜瓊用嘉篤孝淳德有司屢薦輒辭年八十餘門人私謚
淵孝先生

吉安曹嶼東石正德戊辰進士官建昌知府門人私謚文節
江都葛澗以諸生編國朝人物若干卷私謚正學先生

慶陽李夢陽卒門人私謚文毅先生

南陽王鴻漸 進士官四川按察使私謚貞惠

山陽汪應軫子宿 進士官江西按察僉事私謚清憲

先生

尉氏左國璣正德丙子貢士有文行門人私謚貞孝

鄆陵鄭友諒誠甫膺貢麻哈州知州門人私謚簡定先生

無錫王問子裕嘉靖戊戌進士官廣東按察僉事退居湖上翰墨

自娛門人私謚文靜先生

漢陽張緒文倫嘉靖 進士官南京吏部員外郎家居講學友人

述鄭公校錄本

私謚介肅先生

瑞州胡用賓其佐門人私謚誠行先生以子維霖貴贈浙江按察使

慈谿顏鯨應雷嘉靖丙辰進士官行太僕 鄉人私謚正道先生

海鹽徐州德安才識超卓所著匡章論均田議華山移賦私謚

穎發先生 王來子長力學性剛早卒私謚直敢先生 王文祿集

海鹽吳昂德翼官 左布政使私謚文慈先生

徐獻忠官奉化知縣王元美私謚曰貞憲

銅梁李 號拍山膺貢任奉新縣丞好讀書友人張佳徹私謚
恭懿

慶雲楊粹夫歲貢任玉田訓導卒官門人私謚靖節 慶雲縣志

南城鄧元錫 貢士薦授翰林院待詔門人私謚文統先生
高郭黃秉石福府左長史 茶王甚禮之父可大 推官茶王
私謚順德先生

陽城張慎言萬曆庚戌進士太子太保南京吏部尚書私謚端
懿

嘉善錢士升萬曆丙辰進士禮部尚書兼東閣大學士私謚文
貞

嘲錢牧齋

或題虎丘生公石上寄贈大宗伯錢牧齋盛京榮歸之作入維
紛紛意正濃蓴鱸此日又相逢黑頭已自修江總青史何曾用
茶筓昔去幸寬沉白馬今來應悔賣盧龍最憐攀折亭邊柳撩

述鄭益校錄本

亂春風問阿儂

錢公出處好胸襟山斗才名天下聞國破從新朝北闕官高依
舊老東林

夢卜

國初龍溪林弼元凱元至正進士授郡幕洪武二年徵修元史
舊名唐臣以國禁改出知豐城誣逮次湖口夢木人口眼俱動
意恐不免後御筆休問休于字為木人而問字艸書如動象弼
終登州知府

黃巖林侍郎一鶚任江西布政中元日晝晝寢夢享婦人祭覺
所享尚在喉間并里舍歷歷在目命隸跡訪果某坊老婦祭夫
也問祭品及先忌辰以服具如夢中忌辰即公生日也

弘治中 趙號計偕夢得詩風光在閩中謂必登第竟乙榜授
閩中教諭

餘杭李春芳通經力學夢廷對第一頗自負竟因秋闈明年丁
未狀元興化李春芳也同名氏

蘭谿趙志舉久淹公車偶夢唐狀元汝楫程探花文德來訪俱
鄉郡先達也婦笑其老孝廉妄覬隆慶丁卯北上邑令餞諸孝
廉獨趙不速明年戊辰榜眼及第

嘉善丁賓夢謁拜程明道先生後宰句容入上元公署拜折竿
祠果如夢中又隆慶辛未成進士初過濟寧榜人慇懃加等云
夜夢人呼我迎工部驚寤無所見已夢烏帽者登舟其公乎果
歷南京工部尚書

述鄭公校錄本

福清葉相國向高少時禱于石竹山夢人語之曰事君能致其
身不省所謂再求明示遂再語曰腰繫是白玉帶

仁和鍾化民父夢其官至洛陽橋初令惠安修洛陽橋得舊碣
曰維新即公字也意應之後開府河南卒

上海夏景華萬曆辛卯秋試畢夢人令畧銀五分出東門值某
色衣者陰投之求捷景華雖不以為然姑戲之所畧銀紙書姓
名求捷果值某色衣者投其袖中彼不知也其人晚解衣得銀
云亦笑而置之其人適書榜主司折卷云夏景華未定也其
人遽書上遂不易又陽城李養蒙丁酉山西登榜亦畧同俱戲
為之非有意也

萬曆癸卯漳州陳 夢福州林汝椿榜三十一名已次之初場

連席因告之汝椿果獲雋陳不錄丙午登薦俱三十一
泌水張銓計偕時夢判事歷大司馬而止既司理保定夢官舍
曰兩是亭設座三為楊貞肅繼宗許忠節達揖公曰虛一以待
然須他日今少有疑事相煩耳出案牘判畢目送于門曰後會
有期醒而記有鬼訖人殺之判云鬼判人人殺鬼足相當矣擢
御史以屯馬按漢中修諸葛武侯祠未及勤石公子道濬夢武
侯求紀以告公撰記財半稿未就

陽城張慎言萬曆庚子夏居夢社友王仁同捷以仁入棘而非
其才丙午張登榜值報者王仁因悟前夢庚戌廷試夢有憐君
千里桃源客魂我三家村裡人之句果第三甲出身御史時忤
璫戍肅州夢紅梨花為歸期崇禎初賜環道河東兵使餞之演

述鄭公校錄本

紅梨花傳奇不覺追難數

上虞周夢尹中丞微時禱仙姑洞夢贈絕句三年到此媿無功
裁得桃花滿院紅任罷不堪收拾去一齊分付與東風後令永
新署壁前令刊所作

嘉興高斗光夢捷報其名方自幸報者又云非也君乃道素當
在後因改名道素己未進士同榜嘉祥高斗光
平湖徐在中禱于少保祠夢少保語以閔聖同宮後守廣州逮
入京五月十三日棄市相傳閔候誕辰也

嘉興張駿徵夢入宮闕如王者則閻羅天子也云見作禮求師
其子辭母老不聽乃以公子治春秋非我習也召吏按籍始責
攝者慰駿徵出甲戌成進士

肥城書佐刁守宗夢閻羅王取八十人寫七省輪迴冊分黃黑
總數十萬人八旬而畢送萊州請中丞從治四月二十日已刻
莊任守宗以驢往城門千人部校三四十人惟闕正將旂鼓軍
容甚盛導馬八匹入公署見中丞於內室凡列二書劍一研一
中丞報書治菜飲菜豈湯即檄豐都之任各神郊迎三十里進
臺投冊守宗以語人不信四月十六日午刻中丞中砲卒
蒲州韓承宣筮仕歷城邀其姻王表一往表一夢韓印其衣領
及濟南陷韓以人雜果印其衣領逃歸

沁水王廷謨崇禎庚辰進士初夢蕙花置席又同故僕王斗語
不以為意及登榜鴻臚寺報名見左如蘭王叫生次之始悟
鄆縣包文燁崇禎庚午初場偶倦夢韋馱神曰文雖佳以啖牛

述鄭益校錄本

彖投文廁中矣懇救許遲三科壬午始捷以遺才第一領試牘
為風颺去無可跡欲另騰卷方過他所有老嫗從樹上拾之嫗
夢神語此貴人物也完好如故

沁水孫如玉秀才夢壬午天榜首陰隙科三人德行科四人才
用科屯田科各若干人詳著素履倉卒間止記第四人韓姓又
榜暴戾恣睢若干人貪淫無度若干人詳注如前或硃筆書修
字如玉列貪淫中驚寤是科第四人韓

濟寧陳孟修家閔將軍廟側崇禎時回子數十人謀毀其廟厚
布旁屋孟修獨不受謀復之被詬辱不自覺痛旬餘體平夢周
倉曰與爾二羊皮及起傷目始瞭嗣後孟修弟卧廟旁聞將軍
語周倉曰爾礪刃我將儻諸囚亡何諸囚以他事鬪死乙酉清

人開科孟修夢周倉促試果聯捷

嘉善陳舒癸未歲夢神付七題而身所衣冠非所製也清朝已丑南宮七藝俱出宿構

萬曆戊午夏六月予赴都試道宿舟中夢入大朝 帝臨殿

東宮皇孫以次左立問安邊之策或請南遷予方欲爭之俄飛塵蔽天云京城陷頃刻潰散不知所向曉以語同人各笑其妄甲申聞變追憶前夢雖草野不足道未始無驗也

殊墨預兆

東陽趙明欽萬曆乙酉鄉舉明年成進士歸娶乙卯主試貴州還途聞隣婦哀慟旦跡之其夫故諸生忌日也下世年月日正趙生期怪問其所遺書出其稿即趙聯捷之試墨

述鄭公校錄本

廣德弋應試崇禎庚午登科歸拜舅氏纔沒見懸梁遺稿啟與殊墨不異後應試易名簡辛未進士

夷堅志溫凌葉文鳳登進士官天台簿遇生日于邸舍假寐夢人請吃麻糍既覺聞隣姬啼哭問之曰忌兒亡日作麻糍祭享感泣耳文鳳問其所業曰業詩命取其舊業視之乃與葉及第程文一字無異因拜姬為前生之母奉之別所今再見于趙氏云

排調

平湖某輸粟入監且買姬姬或戲之曰徧房花燭夜銀榜掛名時豐吏部南禺坊游伎館題曰虫二謂風月無邊也

余同麓文敏過姑蘇申瑤泉文定家留飲設魚羹戲曰這魚有

了文敏笑而頷之已侍免趣別余曰且住待申時行各隱其名以戲也

吳瀛海禮嘉沈大若一中同年相善瀛海邀沈觀燈沈指鯉燈曰此鯉雖佳恐非瀛海中物俄沈求去吳引滿勸曰水酒不堪大嚼再進一種

平湖沈萃禎少所狎羽童補功曹歷長沙衛經歷沈歷蘓州守陸員外嗣端改唐詩嘲之鶴氅雲冠宮樣粧春風一曲度為娘師公見慣渾閑事惱亂蘇州刺史腸

海益吳少白刊詩一帙序曰先君號少白既不能文又不能詩曷足貴哉予之少也非少先君之白也乃少太白之白也云云蘓州值雪玉皇昨夜買私益故把鷲毛細細旋今日虎丘山上

述鄭公校錄本

望一个蘓州通麵煎 題虎 胡他胡他又胡他两眼銅鈴怕殺他

娶人有縣丞行四十秀才行二十七子行三十六聘啟云四十縣丞非廿七秀才之所敢仰二八嬌娥正三六新郎之所宜求平湖令劉士瑗以匠訢寃不之直被斧傷指邑紳侯問曰政樂只君子民之父母

萬曆壬辰狀元候官翁正春由龍溪教諭或贈四喜詩曰十年久旱逢甘兩千里他鄉遇故知和尚洞房花燭夜教官金榜掛名時

嘉興朱仲莪嘲尼詩不惜風流世所傳一生隨處覓姻緣超昇已出平康巷解脫還登般若禪節按木魚移此日歌翻虎鳳想

當年心未絕紅樓夢春夜猶

醉歌絃

海寧陳某楹帖三十步聊葺以居一二件足耕而食或改之曰

三分錢聊曰生財一二妾足稱好色

太學某訪伎通刺眷侍教生伎報刺眷侍教旦

予友王介人有招飲者視其刺則王介臣也僕悞投之介人賦

一絕句君是鬚鬚我面麻姓名舉止不曾賒西家受東東家醉

只為當年一字差

海鹽朱同知學忠

進士題天寧寺僧舍曰存通堂或請其

義笑曰賊禿轉音也

烏程沈聖岐萬曆

進士游俠邪間題香筭堂友人問所出

曰千人日个个弄

述鄭公校錄本

讀杜工部詩入門高興發侍立小童清此老亦有外癖為之失笑

人有咏杜詩子璋髑髏血模糊之句而愈瘡者乃子美有三年

猶病瘡一鬼不消亡之句豈其詩不自靈乎 鄭以偉杜吟

鍾伯敬詩桃花少人事吳門朱槐曰李花終日忙乎譚友夏詩

秋聲半夜真朱槐又曰甲夜乙夜秋教尚假乎

前定

龍游龔某 販參遼東寓撫順城萬曆戊午四月臨發待治一金

壺逆旅知建州當有變趣之南隣酒餞醉甚宿焉詰旦城陷南

隣客俱殺本印獨全而龔某以宿南隣不免矣蓋建州之謀預

定北印以大駟頗逗之也

乙酉閏六月北兵破嘉興大殺掠縫人吳某居城隍廟前同三人夜伏神座下見侍像進簿唱名某人被某殺至吳某云殺于黃偉駭甚質明兵入迎謂來者非黃偉乎首兵曰我非也次日黃偉因報吳問何以知我告之故歎曰我徐州人于爾或宿業若甘心焉寃報何已乎即神前解之拜稱兄弟而去

山陰范明隆貴州副總兵罷歸值鼎革張存仁鎮浙以明隆父任遼東都使同明隆讀書丙戌下浙東聘至論舊不異疇昔令通謁巡撫蕭起元方殺南將忽記明隆亦浙東人立召斬之明隆寔非南將又忘為存仁故人也存仁大慟賻三百金使不因存仁風好何至誤罹其網哉

徽浦所百戶王雲達 遭亂同婦磨菽乳自活弟某亡賴以百

述鄭公校錄本

戶名官浙東浙東敗張存仁按名捕百戶斬于市婦 氏給配營卒義不從自經其弟尚存

同庚

永康程京兆正誼義烏虞御史懷忠同嘉靖庚子九月四日子時生同隆慶辛未進士同司李內召懷忠入西臺忤時宰出守袁州仍謫潛山愷之死正誼以刑曹歷大京兆年八十

萬曆癸丑會元宜興用延儒天啟乙丑會元無錫華琪芳崇禎戊辰會元嘉善曹勳俱生萬曆 月 日其時地小異先後冠南宮亦奇

內承運庫

正德三年睢州劉淮以孝廉入太學歷事兵部時同年詹伯齡

亦歷事內承運庫述庫中有象牙二長三丈重七百餘斤蝦鬚
二圍如鶯卵長三丈東方朔桃核半枚大如人掌麟皮一大小
珊瑚樹八九枝次日余同詹進觀之果然麟皮已蛀濶可七八
尺棗核中鑄東方朔桃核五大金字劉淮聞見錄

朝鮮使臣夷人寫早朝詩

正德四年元日候朝辰時 上還未出時有朝鮮日本安南三
國陪臣同候朝其一人畫地作字云花迎劍佩星初落柳拂旌
旗露未乾又一人書云日色纔臨仙掌動香烟欲傍袞龍浮余
同劉宗敬觀之良久宗敬曰此夷人寫早朝詩有意笑中國嵩
祝之晚也象憬然劉淮

南曲

述鄭益校錄本

海鹽腔始元澈浦提舉楊氏

崑山腔始邑人魏良輔



述鄭公校錄本



程